

字

鑑





成集書叢


編初

者編主  
五雲王

行發館書印務商



字 鑑



3 0649 1614 5

李 文 仲 編

本館據鐵華館叢  
書本影印初編各  
叢書僅有此本

083

114

21073

顏序

伯英李君酷嗜古書旁搜遠紹作類韻三十卷  
閱十載甫脫橐用心良苦余爲叙其始末未及  
鉅梓而伯英下世矣余懼其齋志九原其傳泯  
泯一日忽其猶子文仲謁余出字鑑一編謂伯  
父無恙時常在左右繙閱舊書講求遺事伯父  
器之類韻備矣韻內字畫有未正者伯父欲正  
之未及留以遺後人今以說文箴增韻之誤以

六書明諸家之失以卒伯父志子旣敘類韻矣  
併及今編所由作可乎余觀歐陽公集古錄  
原父楊南仲所書韓城鼎銘愛其篆籀以今文  
古文參之喜形跋尾重致意焉信哉字學之所  
當深究也今子用志字編以續伯父之書昔人  
所謂芝蘭玉樹欲其並生於庭以其能增光先  
猷也以子之志爲子之書方今聖朝崇重儒道  
持此以往隨和在襄將有所遇矣於是乎書

日顏堯煥書

千序

梅軒處士李君嘗訓其子伯英曰吾聞經典中  
用字類多假借非止一音凡有疑必須究諸字  
書參之訓詁毋怠伯英謹受教故其平日所讀  
經史傳記諸子百家之書遇有字同而音異者  
未嘗不深求博采遠引傍證必使音義瞭然而  
後已如是者有年手鈔成帙於是箸爲一書名

曰類韻示不忘先訓也至治改元甫脫橐鄉先生前進士顏公敬學爲之敘未幾而伯英歿其猶子文仲求韻內字之未正者正之爲字鑑一編復求顏先生敘之所以卒伯父之志也吁醫不三世不服其藥蓋以夫人有所傳授察脈明而用藥審是以服之無疑不然則否今夫類韻之作始於梅軒翁終於伯英至文仲而大備更三世而成一書信乎其能傳遠矣梅軒之卒先



子嘗爲誌其墓伯英由儒入吏終漕府令史其  
兄弟子姪皆與余游故樂爲之書

五十又一日吳郡干文傳書

張序

字學之晦久矣余每讀經典怪其音與今四聲  
不協閒有協者亦不多見豈古今之殊音邪抑  
制韻者不能會經典之文以成書邪蓋書有六  
體唯假借爲難明假借明則六書明六書明則

經典始明故凡古音與今不通者皆假借之弗  
明爾吳郡李君伯英迺獨潛心於此考挾經傳  
披羅子史百家之言凡有涉於四聲者必彙而  
次之積十年而成名曰類韻以字爲本以音爲  
幹以義訓爲枝葉自一而二井井不可紊用功  
既已勤矣至其從子文仲又能廣李君之未及  
辨正點畫刊除俗謬作爲字鑑以備一家之言  
余覺而嘉之然則後之觀類韻者循流尋原而

音以明觀字鑑者 歧達道而字以正其有補  
於經史 故述其作之之由而書其首

西秦張橫敘

唐序

字之爲文始於蒼頡之制作備於周官之六書  
頡之所制去古旣遠不可得而考矣惟六書之  
義載在方冊尚可尋繹而 諸先達之敘于  
前者已嘗歷言其詳何俟余贅顧惟六書之中

假借爲多如漢史所載祠官祝釐是借釐爲禧也瘞身從事是借瘞爲勤也至於務省絲費則借繇爲徭神爵數集則借爵爲雀是皆所謂假借者也後世不考古字文義往往自出己意砭劑之砭改而從金互市之互易而爲耳已不逃或者之議甚至書魯爲魚寫帝爲虎而弄犖伏獵又有大可笑者豈非不學之過邪姑蘇李君伯英博考載籍嘗編類韻一書有識者已印其

可猶子文仲又作字鑑五卷援證詳明視荆公  
字說何嘗霄壤

可知已余故表

而出之

檇李唐泳涯謹書

黃序

古之小學有六藝焉學之者必自數而書而樂  
而射御而禮其爲法至詳且密其爲事又皆有  
次第而無敢以捷疾取朝夕之效士生其時自

幼至于成人非是六物者不以役於四體接於  
心思磨礱長養之有其素故其進而博之以大  
學之教咸有以成其材而就其實詩所謂成人  
有德小子有造者也小學之廢已久近世大儒  
始采古經傳輯以爲書學者誦其言徒知有六  
藝之目而未嘗身習其事其習焉而不廢者書  
而已而又昧形聲事意轉借之辨迷文字子母  
音聲之原然則雖書亦廢矣聖賢之託於簡策

以傳者魯魚亥豕其存幾何後生小子方且玩  
思空言高談性命而以爲資身譁世之具切近  
之意微夸傲之氣勝此士之所以成材就實如  
古者少也吳郡李生文仲年未弱冠本說文作  
字鑑五篇誠有志於小學者豈不猶行古之道  
哉蓋生之世父伯英甫嘗撰類韻以明六書假  
借之用而於文字之僞謬未及有所考正生之  
爲是所以備一家之學云爾雖然此小學也以

生之有志於古又能弗失其爲學之次第如此則夫從事於大人之學以成就其材實者無患乎不古若也子夏曰君子之道孰先傳焉孰後倦焉予於生則有望矣庸識諸篇端以爲之敘云金華黃潛

自序

黃帝史倉頡仰觀天文奎星圓曲之象俯察地理萬物之宜遂爲鳥迹蟲魚之書由是文籍生



焉上古之書代莫得聞蓋世之遐雖有存者而不能論也周禮保氏掌養國子以道教之六書一曰指事指事者視而可識察而可見上下是也二曰象形象形者畫成其物隨體詰詘日月是也三曰形聲形聲者以事爲名取譬相成江河是也四曰會意會意者比類合誼以見指撝武信是也五曰轉註轉註者建類一首同意相受考老是也六曰假借假借者本無其字依聲

託事令長是也六者制字之本雖蟲篆變體古今異文離此則謬周宣王太史籀著大篆十五篇與古文或同或異秦丞相李斯頗刪籀文謂之小篆因政令之急職務之繁小篆不足以給下邳程邈始變篆文而作隸書以趣約易後漢和帝命賈逵修理舊文於是許慎集篆籀古文諸家之書質之於逵作說文解字體包古今首得六書之要其於字學處說文之先者非說文

無以明處說文之後者非說文無以法故後學  
 所用取以為則歷代諸儒精研箴究寧免闕遺  
 宋紹興閒三衢毛晃增註禮部韻略因監韻字  
 畫差謬斟酌古今較裁點畫辨正黜俗特為詳  
 舉以今參之珠類玉瑕尚存指摘如衮謚之類  
 是也衮說文从衣公聲增韻从口作衮誤謚時  
 利切說文行之迹也从言从兮从皿增韻  
作謚誤謚  
 音益笑兒夾漈鄭氏發明六體可謂備矣然俗  
 字混轂學者罕能留心承謬襲譌去真愈遠六

書之法遂隱經典之文益差愚不自量雅尚古  
典本之說文增韻參以諸家字書以說文箴增  
韻之誤以六書明諸家之失因作字鑑遺諸同  
志以茲正體施之高文大冊

奏章

箋表與夫經典碑碣則辭翰俱美偏旁同者不  
復廣出凡所未盡觸類而長所正之字隨韻收  
入遞互研攷

字鑑卷之一

吳郡學生李 文仲 編

平聲上

一東

二冬

三鍾

四江

五支

六脂

七之

八微

九魚

十虞

十一模

十二齊

十三佳

十四皆

十五灰



十六哈

十七真

十八諄

十九臻

二十文

二十一欣

二十二元

二十三覓

二十四痕

二十五寒

二十六桓

二十七刪

二十八山

一東

叢

徂紅切說文聚也从艸取聲艸任角切草一  
生貌上从四直畫兩長兩短俗作叢

豐

敷中切說文豆之一滿者从豆象形與豐字不  
同豐音禮凡豔之類从一

隆

良中切說文豐大也从生降聲隸省作一俗作隆

息

倉紅切說文多遽一也從心从自自古憲字凡總德蕙驄之類从一俗作忽念

充

昌中切滿也上从去音他忽切俗作充

衷

陟隆切方寸所蘊也說文从衣中聲五經文字云作衷譌

𦉰

祖紅切鳥飛斂足說文从文兒聲又音綏凡駿梭𦉰般之類从一俗作𦉰

空

苦紅切說文竅也从穴工聲穴胡決切俗作空

童

徒紅切奴也說文从辛重省聲辛音牽俗下从里誤

箏

徒紅切說文斷竹也从竹甬聲五經文字云作筒非筒音洞通簫也

瞢

莫紅切說文目不明从艸从目从旬音寡旬音縣凡夢蒙覆蔑之類皆从丨省俗作瞢

蒙

莫紅切覆也說文从艸冡聲冡音同上从曰音其保切俗作蒙蒙非

二冬

冬

都宗切說文四時盡也下从冫音冰

三鍾

鍾

並諸容切上酒器又量名从輕重之重下樂器也鐘鼓也从童僕之童

丰

敷容切滿也說文作半草盛貌與怪韻丰字不同丰音界凡丰邦之類从丨監本作丰誤

从

疾容切說文相聽也从二人今通作從凡鐵僉旅并之類从丨



邛 渠容切說文地名从邑工聲與印字不同印音昂从匕从節

凶 許容切說文惡也象地穿交陷其中也凡冑爨之類从丨與离字上不同俗作凶

### 四江

逢 皮江切姓也左傳齊有丨丑父从辵从夆夆下江切與逢遇字不同孟子丨蒙學射於羿當从此正傳寫作逢誤降絳字與此同

邦 悲江切說文國也从邑丰聲丰音峯五經文字云从丰作邦者譌

尨 莫江切說文犬之多毛者从犬从彡俗又加犬作狷非

雙 疎江切偶也說文隹二枚也从隹又持之又古右手字俗作雙雙

窻

楚江切說文通孔也从穴息聲古作囟象形又作回如曾會黑熏等字从囙俗作窓牕

舩

許江切船名與僂韻船字不同船淳緣切佩觿曰帆一之丨為舟船其類非有如此者

五支

支

章移切持也分也與屋韻支字異支音撲凡伎鼓妓履岐之類諧聲者从丨

枝

章移切說文木別生條也从木支聲俗作枝非枝古枚字音梅从擊支之支

祇

章移切說文敬也从示氏聲亦作祗與祇祇異祇音祁神祇从名氏字祇音低祇禡短衣从衣

攴

楚危切行曳足與攴字異攴陟侈切凡攴夏夏攴攴致致憂愛慶履麥夔夔後退舛之類从丨

匙

常支切說文匕也从匕是聲匕音比俗作匙

垂

是為切說文遠邊也下从土與垂字異垂池偽切罌也下从缶凡郵睡唾唾之類从丨俗作垂

趨

陳知切說文丨趙文也从走多聲俗以為趨字非佩觸曰奔丨之丨為進趨其類非有如此者

卑

班麋切說文賤也从少从甲少音左與界界字異界音庇界音忌凡睥庠婢睥之類从丨

隴

班麋切草名从艸从隴俗下从隴誤

离

鄰知切說文山神獸也从禽頭从肉肉古踪字俗下从肉作离者誤

麋

鄰知切十豪曰丨說文犛牛尾从犛省从毛上从午未之未凡麋麋等上與此同俗从牛誤

隨

旬為切說文從也从辵墮省聲上从左从肉五經文字云作隨誤

糜

忙皮切說文糝也从米麻聲俗下从禾誤

罍

民卑切說文周行也詩一入其阻从四米聲四音文紡切俗作罍罍非

羈

居宜切馬絡頭亦作羈上从四音罔俗作羈

義

虛宜切太昊氏說文氣也从彡義聲俗下从秀作義誤

岐

翹移切山名又旁出道漢張堪傳麥秀雨一謂一莖兩穗如路一之二達也左从山俗作歧

奇

渠宜切說文異也从大从可俗作奇餘放此

敝

去奇切不正說文从支奇聲古作敝亦从支持之支增韻从擊支字作敝敝監本从欠皆誤

歎

於宜切歎辭从欠伸之欠毛氏曰凡由口出者从欠若吹歌歎歎歎歎是也俗以為傾敝字誤

禕

於宜切美也珍也从示與禕字不同禕后蔽膝也从衣音晦

**宜** 魚奇切說文作宐所安也从宀之下一之上多省聲隸作一凡誼疊之類从一俗作宜

**虧** 驅爲切缺也說文氣損也从亏虛聲亏古于字虛音呼下从佳俗作虧虧皆誤

**危** 虞爲切說文在高而懼也从厃自節止之厃魚毀切已音節俗从辰已字誤

六脂

**隹** 朱惟切說文鳥之短尾者與佳美字異隹从人从圭凡奮奪顧應之類从一上有一點俗作佳

**尸** 式脂切說文陳也象卧之形凡尼殿屋居尺局赧段屬漏之類从一左旁有闕俗作尸

**衰** 所追切微也又桑何切說文草雨衣从衣从井井而琫切俗作衰

**私** 相咨切不公也說文从禾厶聲俗作私厶音同玉篇又音某厶甲也凡公篡鬼瓜之類从厶又

台能矣允等字上从吕隸作厶音以弘強肱宏等字从巳音左去法等字从厶音祛又弁字說文作弁隸作弁牟字牛鳴也从牛象其聲氣从口出又專惠擊袁等字中从厶省晉字隸變二厶瓜字内象形隸文俱與厶同是乃篆文數體隸變其一

雖 宣隹切設兩辭从虫从唯俗作雖

雖

尼

女夷切孔子字仲一說文從後近也从尸匕聲匕音比與尼字不同尼古仁字俗作尼

彝

延知切說文宗廟常器也从系音覓从升持米与聲与音屬俗作彝

龜

居達切甲蟲之長說文从它象足甲尾之形它古蛇字俗作龜

耆

渠伊切說文老也从老省旨聲旨下从甘俗从老作者耆皆誤



缶字不同而增韻皆并作丨又於鷓字下註云凡从丨者下从田案說文丨下从田野之田留缶字雖不从田然隸變與田無異但上从川以別之爾《音川偏旁俗混从留缶字誤

**蚩** 充之切丨尤人名說文从虫出聲出古之字凡嗤媿之類从丨與蚩字異蚩音歲俗作蚩蚩誤

**絲** 新茲切說文蠶所吐也从二系音覓偏旁亦作絲如顯顯之類是也俗作絲

**茲** 津之切此也說文黑也从二立萐滋茲慈从丨與草茲字異茲音同草木多也上从艸俗作茲

**辭** 夕茲切說文訟也又文丨也从言从辛音亂俗作辭或以為辭讓字誤

**辭** 夕茲切說文不受也从辛从受受辛宜丨之也籀文作辭俗作辭揚脩傳以此為文辭字誤

**臣** 盈之切說文頤也象形凡姬頤宦熙蹟莖之類从丨偏旁作臣誤



圮 盈之切說文東楚謂橋曰一从土从辰巳之巳  
與圮毀字不同圮音虧从戊己之己

謀 居之切謀也又丘其切說文欺也从言其聲監  
本作謹誤

疑 魚其切說文惑也从予从止从匕矢聲俗下从  
疋誤

其 渠之切指物之辭从甘从六甘从甘古箕字隸作甘  
非甘美字六音基俗作其或下从六皆誤

棊 渠之切說文博一从木其聲俗作碁

### 八微

微 無非切細也說文从彳微聲微音同从人从文  
从耑省又今作几一字从此省俗作微微

肥 符非切說文多肉也从肉从巳音節俗作肥

幾 居希切說文微也从絲从戍戍春遇切俗作幾

歸 居韋切說文女嫁也从止从婦省自聲自音堆  
籀文作婦俗作歸婦

衣 於希切一服凡衮裏褻初裕率雜之類从一  
偏旁作衣俗作衣誤

韋 于非切熟曰一生日革說文从舛口聲口音圍  
舛古舛字俗作韋或作韋皆非

### 九魚

於 衣虛切語辭上从出入之入下从二俗作於於

虛 止於切說文作虛大丘也又休居切空也从丘  
虛聲丘古丘字虛音呼隸作一亦作虛俗作墟

睢 千余切說文王一也从鳥且聲或从隹與睢字  
異睢音翹規宣隹二切仰目視貌又姓左从目

疋 山於切說文作疋上口不合俗以為匹字誤偏  
旁作疋與手足字異凡胥貶楚旋旋踈疏从一

疏 山於切說文通也从荒疋亦聲疋音同非手足  
字踈字與此同俗作疏

初 楚居切始也从衣从刀俗作初

豬 專於切說文豕而三毛叢居者从豕者聲五經  
文字云从犬作猪者譌

菹 專於切說文酢菜也从艸沮聲或作菹旁从水  
俗作菹

鉏 牀魚切說文立藪所用也从金且聲五經文字  
云作鋤譌

### 十虞

于 雲俱切說文作亏於也从亏从一凡虧粵夸跨  
穹朽之類从亏隸作一如迂孟釭等吁盱芋紆

汗字等字从一素偏旁篆文皆从亏至隸變則有从古从今者皆从其便也

朽

雲俱切浴器禮記出一又音烏說文所以塗也  
从木亏聲亏古于字或書作朽案从亏者古文

从于者今文也韻書不明此以朽為盤杆以一為塗一音烏而不知亏于本一字故并之

𦉰

恭于切說文挹也从斗𦉰聲𦉰音同目衰也俗  
从𦉰从𦉰皆誤

胸

權俱切說文脯臑也从肉匈聲與胸字不同胸  
从日月之月音吁句吁玉二切

𦉰

容朱切須一也說文从申从乙隸作一凡悞說  
庾瘦之類从一俗作𦉰

鳧

逢夫切說文舒一驚也从鳥九聲九音殊俗从  
几案之几作鳧者誤

無

微夫切說文作無亡也从匕無聲今作一毛氏  
曰案一本是蕃無字音武借為有之一變林

為四點非撒火也當作無偏旁蕪廡字从彙者  
今皆从一亦作无通於无者虚无道也王育說  
天屈西北為无俗作无非无音暨既烝等字从  
之

**毋**

微夫切說文止之也从女从丁與父母字不同  
毋从女中有二點象兩乳形凡毒毒之類从一

**須**

孫趙切說文面毛也从頁从彡徐鉉曰今借為  
所一之俗作鬚非一與須字不同須火外切  
佩觿曰須爛之須為斯一其類非有如此韻會  
別出鬚字誤

**需**

孫趙切說文頤也遇雨不進止頤也从雨而聲  
凡儒孺之類从一俗作需誤

**芻**

憲俞切說文刈草也象包束隼之形中从二少  
即草字也俗又加艸非

**爨**

慵朱切擊也上从儿音同凡役設殺發殷聲殺  
般之類从一與爨字異爨音沒唯沒殛字从爨

襦 慵朱切說文短衣也从衣需聲監本从示誤

廚 重朱切說文庖屋也从广尗聲广音儼尗音樹五經文字云俗从厂从豆作厨譌

專 芳無切說文布也从寸甫聲與專字不同專音博凡敷傳溥博縛縛諧聲者从一俗作專

苧 芳無切說文草也从草孚聲與餓苳字不同苳婢小切下从爰經典以一為餓苳字蓋爰轉為孚信之孚傳寫譌爾增韻以此又音婢小切誤

膚 芳無切皮也此本籀文臚字音力居切今轉為一从肉从盧盧音盧从留缶字俗下从胃誤

俞 容朱切姓也說文从人从舟从一音集舟偏旁作月从音澮隸作二直畫非从刀也俗作俞

十一模

盧 龍都切說文飯器也从皿盧聲盧音同中从田

缶字今作由俗作中从田作盧誤

鑪 龍都切火器說文方一也从金盧聲徐鉉曰今俗別作爐非是

麕 倉胡切說文行超遠也从三鹿俗作麕麕皆非

吳 譌胡切說文姓也又郡名从口从夨夨音仄俗作吳

穌 孫租切說文把取禾若也一曰死而更生曰一集韻云俗作甦非是

黏 戶吳切說文黏也从黍古聲或作粘俗作糊非

### 十二齊

齊 前西切整也說文作齋隸作齋凡齋齋齋之類从一俗作齊偏旁或脫二畫誤

西

先齊切東一之凡煙湮謹迺酒之類从一與西西二字不同西呼訝切覆覈賈雯等字从

之唯西字篆文三體隸變其一若栗栗字上从

鹵音虜隸皆作西凡一西西偏旁各从其類俗書

音虜隸皆作西凡一西西偏旁各从其類俗書

多混

齋

箋西切說文持遺也从貝齊聲俗作齋賣皆非

黎

憐題切黑也說文从黍勹省聲勹古利字黎黎字上與此同俗作黎

劦

憐題切姓也六書略云裂也从三刀會意與劦字異劦胡頰切凡荔瑤楊颺之類諧聲者从一

稽

堅奚切說文留止也从禾从尤旨聲禾音同木之曲頭非禾黍字與此同俗作稽嵇

醢

馨兮切說文酸也作一以鬻以酒从鬻酒並省从皿皿器也五經文字云作醢者俗



谷 竈雞切反戾也莊子婦姑勃一从谷从奚谷音  
噓與谿澗字不同谿从山谷字俗作溪

雋 奚圭切子一鳥名从隹从少音徹从尙女滑切  
下與雋字異雋音吮俗从山从冏作雋誤

攜 奚圭切說文提也从手攜聲雋音同五經文字  
云作攜携携皆非

隄 都黎切防也左从阜與堤字不同堤音邸滯也  
佩觿曰堤滯之堤為一防其類非有如此

蹠 杜兮切說文足也从足虎聲虎音斯蹠鳴字與  
此同俗作蹄啼

### 十三佳

鞮 戶佳切說文革履也从革奚聲俗作鞋

### 十四皆

懷 乎乖切說文念思也从心襄聲襄音同中从眾  
壞字與此同俗作懷

乖 公懷切說文作乖戾也从彳而爪爪古文別字  
隸作一俗作乖

蕘 謨皆切說文瘞也从艸狸聲俗作埋

### 十五 灰

灰 呼回切說文死火餘燼也从火从又又手也火  
既滅可以執持俗作灰

回 胡瑰切說文轉也从口中象一轉之形口音韋  
俗作回非回古面字

推 他回切蓋也又尺佳切从手非从才能字佩羈  
曰一有尺佳他回二翻俗別為推其浮偽如此

### 十六 哈

來 郎才切往來中从二人凡賚麥之類从丨俗作  
來

栽 將來切種蒔从木从戈 戈音同从戈才隸作戔  
與戔字異戔音尖 戣字从之凡哉栽載戴戣等  
字與此同俗作栽

才 牆來切丨能也說文作寸草木之初从丨 𠂇音上  
貫一將生枝葉下一地也俗作才

臺 堂來切說文作臺觀四方而高者也从至从出  
从高省出古之字俗作臺

### 十七真

真 之人切說文僊人變形而登天也从七音化从  
目从乚音隱从八所乘載也俗作真真皆誤

珍 之人切說文寶也从王彡聲王古玉字彡音軫  
俗作珍

申

升人切辰名說文作申从臼音掬个文作一凡神坤電奄曳之類从一唯陳與二字从古一字

陳

池鄰切列也又姓說文从阜从木申聲申古申字旁作東與東東二字不同東音簡俗作陳

辰

丞真切時也中从二古文上字凡辱脣之類从一俗作辰

晨

丞真切說文早昧爽也上从臼音掬與晨字異晨音同房星也上从日俗以晨星為一早字誤

臣

植鄰切說文事君也象屈服之形凡臧卧臨宦堅賢之類从一偏旁俗作臣誤

人

而鄰切奇字作儿凡企企介頁寅黃吳臥飲死亟咎羌焚欠兜兒宄亮禿戍之類从一偏旁

亦作儿虎微从之又作夕增韻云側一也危詹負色角魚等字所从是皆說文一體隸變不同

若全翰榦幹余於內訥等字上从出入之入僉僉等字从人音集俗混从一誤

親

七人切說文至也从見亲聲亲音榛新字與此同李斯刻石省作親新

秦

慈鄰切國名又姓下从禾五經文字云从示作秦者誤

彘

離珍切說文作彘兵死及牛馬之血爲一从炎从舛隸作一凡齠麟之類从一

鄰

離珍切說文五家爲一从邑彘聲古作鄰九經字樣云作隣者譌

幽

卑民切周始封國說文美陽亭即一也从山从二豕俗作幽

### 十八諄

巡

松倫切說文視行貌从辵卂聲卂古川字俗作巡

脣

殊倫切說文口端也从肉辰聲俗作唇非唇音真驚也下从口

聖

伊真切說文塞也从土西聲凡煙禋謹甄闡湮之類从一俗作聖

夤

夷真切說文敬惕也易曰夕惕若一从夕寅聲又音夷俗上从肉作夤誤

紉

尼鄰切說文繹繩也離騷一秋蘭以為佩从糸刃聲刃而振切增韻从办作紉誤

十九臻

二十文

文

無分切說文錯畫也凡產彥虔吝之類从一俗作文非文音撲

熏

許云切說文煙上出也从火从黑隸作一俗上从輕重字作熏或作燠皆非

軍

拘云切說文圍圍也从車从包省俗上从覆一

字作軍誤

二十一欣

筋

舉欣切說文肉之力也从力从肉从竹竹物之  
多一者九經字樣云作筋譌俗又作筋誤

斤

舉欣切說文作斤斫木斧也象形廣于祿字書  
云一 字中當闕俗作斤

堇

渠斤切黏土也凡謹謹勤等从一偏旁亦作堇  
漢難歎从之上从甘音集下从三畫俗作堇堇

殷

於斤切大也說文从身从反身反  
音殊俗作殷

二十二元

原

愚袁切說文作原水泉本也从泉在厂下篆文  
作原隸作一徐鉉曰作源非

袁

于元切姓也說文从衣東省聲重音專下从宀  
省凡園遠之類从一增韻中从口誤

蟻

干元切說文善援屬从虫爰聲徐鉉曰今別作援非是俗又為猿皆譌

冤

於袁切說文屈也从兔鹿之兔从冫冫音覓俗作冤

番

符袁切說文獸足从采从田采音辨凡翻蟠審播之類从卜俗作番

二十三 覓

覓

胡昆切說文陽氣也从鬼云聲下形上聲也若作魂則右形左聲也如詞朗崩秋等字說文作

尋眼翹焮今從隸變又召字从形在左則為叨含字以聲在右則為吟字畫稍改則為別字韻

書以羣蹙蟆峨之類或以聲在左在右在上在下皆非正文別為一字附本字之下皆引經史

以證之攷諸集韻但出正字於下云或書作某疑當時書經史者或从古从俗字體不一韻書



因而不改臨文之際援引經史諸書宜從正體

𠂔

鳥昆切說文仁也从皿从囚凡溫緼慍蘊之類  
从一俗作𠂔

昏

呼昆切說文日冥也从日从氏省氏者下也會  
意或从民作昏凡昏昏昏昏之類从一增韻於  
昏字下云本作昏誤作昏今不敢去又五經文  
字云本从民先朝避諱改作一案一从氏省者  
會意从民者諧聲也二字皆通然說文本字从  
氏省於下註云一日民聲則昏乃或作之字昭  
然可見偏旁俱當从此二說皆誤

飧

思盥切說文鋪也从旦夕之夕从食朝曰饔夕  
食曰一增韻作殮誤

髡

枯昆切說文髡髮也从髟兀聲兀五忽切俗从  
几案之几增韻下从儿皆誤

尊

祖昆切說文酒器从酋从寸从缶从木者後人所加五經文字云作尊者譌

屯

徒孫切聚也說文鈍頓等字皆从一得聲又陟倫切難也从少貫一一地也尾曲借為一聚字鄭氏曰借協音不借義佩觿以此音速別出屯為一聚字誤

二十四痕

二十五寒

看

丘寒切說文睇也从手下目九經字樣云作看者譌

刊

丘寒切說文剡也从刀干聲俗从千百之千誤

單

都寒切一複之對上从𠂔音喧一又音善姓也俗書姓作單以別之非也下从卑賤字皆誤

丹 都寒切赤色偏旁作月凡青彤臙旃之類从丨中从一點俗作丹

闌 郎干切說文門越也从門東聲東音簡俗从東西字作闌誤

戔 昨干切說文賊也从二戈凡箋殘之類从丨俗下脫點作戔誤

### 二十六桓

寬 枯官切廣也說文从宀寬聲寬音桓上从卞音寡下有一點非寬陸字監本从寬作寬誤

拌 鋪官切集韻引方言楚人凡揮棄物謂之丨从手从半俗作拚

滿 謨官切說文平也从艹音集从兩古兩字中从二入凡滿瞞之類从丨俗从艸从兩作滿滿誤

謾 謨官切欺也上从曰音冒俗从日誤

𡵓 多官切說文物初生題上象生形下象其根凡  
豈微徵等字皆从一省上从側山俗作𡵓

二十七刪

關 姑還切說文以木橫持門戶也从門絲聲絲音  
同下从𠂔古磳字俗作關關

盼 逋還切大首貌又賜也从肉从分與盼字異盼  
音同賦也从日月之月

二十八山

間 古閑切說文隙也从門从星月之月俗作間

字鑑卷之一

字鑑卷之二

吳郡學生李 文仲 編

平聲下

一先

二僊

三蕭

四宵

五爻

六豪

七歌

八戈

九麻

十陽

十一唐

十二庚

十三耕

十四清

十五青

十六蒸

十七登

十八尤

十九侯

二十幽

二十一侵

二十二覃

二十三談

二十四鹽

二十五添

二十六嚴

二十七咸

二十八銜

二十九凡

一先

鞮

則前切說文馬鞍具也从革薦聲監本从薦誤

縣

胡涓切說文繫也从系从県音梟徐鉉曰此本  
一挂之一借為州縣之縣俗又加心別作懸

邊 卑眠切說文行垂崖也从辵鼻聲鼻音眠中無點非从丘穴字俗作邊邊皆誤

祆 馨煙切說文朔方神也从示天聲與祆字不同祆於喬切祥也韻會作祆誤

开 古賢切說文平也象兩手對構上平也又音牽凡刑并斡開岍雅妍研之類从一俗作开

弦 胡田切說文弓一也从弓五經文字云琴瑟亦用此一 字作絃者非

冒 烏玄切說文小蟲也从肉口聲口音圍凡涓捐鵠絹絹狷之類从一俗作育非育乃能字偏旁

季 奴顛切說文穀熟也春秋傳曰大有 一 从禾千聲千音阡

顛 多季切說文頂也又倒也从頁真聲頁音頤俗作顛非是

憐 靈田切說文哀也从心彡聲俗作怜非怜音靈慧也

淵 ㄤ ㄨ 切 說文 回水也 从水 淵象形 左右岸也 中象水也會意 古文作淵 俗作淵 淵

二僂

僂 親然切 說文 作僂 升高也 从昇 从巳 巳聲 巳音節 隸作一 凡遷僂之類 从一 俗从西 从巳 誤

次 徐連切 說文 慕欲口液也 从欠 从水 亦作涎 羨盜字 从此

然 如延切 說文 燒也 又如也 从火 然聲 俗又加火作燃 非

塵 呈延切 市中空地 說文 从广 里八土 广音儼 凡纏躔之類 从一 五經文字 云作塵 譌

辛 起虔切 說文 作辛 皐也 从干 从二 二古文上字 上畫短 與一二字異 二上下兩畫齊等也 如童

妾言 侯帝 翁音章 竟競 龍亥 辛商 商毅 示辰 永之類 上皆从 古上字 若 畝 高 亭 毫 豪 亮 亨 享 京



亡衣哀裏立亢文交亦夜玄六山广方齊雍等  
字上从入隸變作上唯主音之屬上从音主

又之市良佳等上从一點凡偏旁从二古上从  
上音各隨其類齊雍等雖不从入隸與上無異

慙 起虔切說文過也从心衍聲中从水五經文字  
云作慙譌俗又作慙皆誤

虔 渠焉切恭也說文从虎文聲虎音呼俗作虔

緜 彌連切說文聯微也从糸从帛五經文字云作  
綿者譌

𡗗 彌連切說文交覆深屋也與一宇異一音覓冠  
冕冥曰从之凡富憲宜宦寫寇寤寐之類从一

亘 息緣切說文求一也从二从日回古回字隸作  
日中从一點與甘字偏旁同非日字也凡宣桓

洹音垣諸字諧聲者从一與互字異互居鄧切  
中从舟若恒桓絙等諧聲者从互俗混作亘誤

**全** 才緣切說文完也上从出之入古作全與全  
字異全音重上从人俗作全

**專** 朱緣切擅也說文从寸專聲專音同下从么省  
凡傳埤轉團諧聲者从一惠字亦从專俗作專

**鷺** 余專切說文鷺鳥也从鳥从苜俗作鷺或增韻  
从干从少作鷺皆誤

**員** 于權切說文物數也从貝口聲口音圍俗作員  
凡从一者放此

**延** 以然切說文長行也从延从辵音必與延字  
不同延諸盈切說文行从正

**鑄** 子全切刻也說文从金雋聲雋音吮與鑄字不  
同鑄戶圭切

**船** 淳緣切說文舟也从舟台聲台音兗與舩字不  
同舩許江切俗作船舩

**乾** 渠焉切健也說文又上出也又古端切从乙乾聲  
乾音榦佩鱗曰俗別作乾非

旃 諸延切說文旗曲柄也所以一表士庶从从  
丹青之丹俗从舟作旃誤

### 三蕭

斛 他彫切說文古田器从斗𠂔聲徐鉉曰說文無  
𠂔字疑𠂔象形兆聲𠂔音罕俗作斛斲斲皆誤

雕彫凋 並丁聊切上說文斲也從隹周聲籀作彫  
中說文琢文也書峻字彫牆从彡周聲下

說文半傷也又凋瘁也語松柏後凋从宀周聲  
三字不同經典多以鷲雕為彫琢以彫琢為凋  
瘁蓋皆傳寫之譌後人因而不改宜从本文為  
正

刀 丁聊切古者軍有一斗畫炊夜擊又姓又都高  
切兵也賴解絕賊等从一佩觸曰俗別作刁非

梟 堅堯切說文不孝鳥也日至捕一磔之从鳥首  
在木上會意凡噪櫟之類从一俗作梟



與言字不同言音同徒歌也从言从肉唯蘇蘇  
倍从言餘皆从此俗作𠄎

窠 餘招切說文燒瓦窰也从穴羔聲俗作窰

夭 於喬切一和舒貌又於兆切說文屈也从夭  
象形凡杖沃喬笑之類从一俗作夭夭

喬 巨嬌切說文高而曲也从夭折之夭从高省俗  
作喬

颯 卑遙切說文扶搖風也从風焱聲焱音同犬走  
貌俗从三火作颯誤

### 五爻

巢 鉏交切說文鳥在木上曰一在穴曰窠从木象  
形中从臼音掬凡繅巢勦之類从一俗作巢

### 六豪

**豪** 胡刀切豕名又十絲曰一說文从豕高省聲俗作毫

**高** 姑勞切說文崇也象臺觀一之形中从口音圍俗作高

**皐** 姑勞切說文氣一白之道也从本从黑白之白本音滔偏旁作丰俗作皐舉皆誤

**美** 姑勞切羊子下从火亦作羔與甘美字不同美从小大字

**鑣** 於刀切說文温器也从金塵聲塵音憂與鑣字不同鑣悲嬌切馬銜也从鹿

**敖** 牛刀切說文游也从出从放隸作一凡熬熬噉鼈傲贅之類从一俗作敖

**本** 他刀切說文進趨也从大从十偏旁作丰皐字从此俗以為本末字

**夔** 奴刀切說文貪獸也一日母猴从夂从頁从巳从止頁下从人俗从几誤

夔 奴刀切山名从山从夔夔音同俗从夔非夔音  
夔

逃 徒刀切說文亡也从辵兆聲俗作逃

裛 補刀切揚美也說文作裛从衣保省聲采古文  
乎字或作裛俗作裛裛

梭 蘇遭切說文船總名从木夔聲夔蘇后切徐鉉  
曰今俗別作梭非是

尻 苦高切說文臠也从尸从儿从九之九與尻字不  
同尻古居字从儿索之几

### 七歌

那 奴何切何也說文朝一縣名从邑丹聲丹而珍  
切俗作那那

接 奴何切說文推也从手妾聲一曰兩手相切摩  
也俗作接

鼉

唐何切說文似蜥蜴而長大从鼉單聲單音丹俗中从田从一作鼉誤

陀

唐何切說文蹉一也从足它聲它音柁凡駝鮫陀陀沱柁之類皆从它俗从色誤

訶

虎何切說文大言而怒也从言可聲俗作呵

### 八戈

禾

戶戈切稼之總名與禾字異禾音稽木之曲頭稽嵇字从之凡秦稟稊稊歷曆之類从一

譌

吾禾切說文一言也从言為聲詩民之一言俗作訛

### 九麻

麻

謨加切苴一說文从广从林音派凡磨麼之類从一俗从林字誤



夸 苦瓜切說文奢也从大亏聲亏古干字从一从  
亏凡誇倭倭匏瓠之類从一俗从夸夸

瓜 古華切說文蒞也中从厶象形俗作瓜或作菘  
非菘音孤

查 莊加切姓也本作祖說文木閑也从木且聲俗  
从旦夕字作查誤

華 呼瓜切一萼也又胡瓜切說文榮也佩釵曰一  
有戶瓜呼瓜二翻俗別為花其浮偽有如此

邪 余遮切說文琅一郡从邑牙聲又疑辭也九經  
字樣云作耶者譌

叉 初牙切說文手指相錯也从又象一之形俗作  
义

荼 除加切茗也又音徒說文苦一也从艸余聲俗  
作茶蓋省文爾

杷 蒲巴切搔也韓愈進學解一羅剔抉从爪牙之  
爪从巴形聲也俗从瓜果字誤



商 尸羊切說文以外知內也从尙章省聲尙女滑切與錫韻商字不同商音的下从古

傷 尸羊切說文創也从人殤省聲中从旦俗作傷凡殤觴曠傷之類从卜省餘皆从古陽字

昌 齒良切說文美言也又日光也从日从子曰之曰俗作昌

嘗 長羊切說文口味之也从旨尚聲俗作嘗

梁 龍張切說文水橋也从木从水办聲办楚良切从刀兩旁有距非刀字也稻梁字同此俗作梁

量 龍張切說文稱輕重也从重省彙省聲俗作量

糧 龍張切說文穀也从米量聲五經文字云作糧譌

涼 龍張切微冷說文从水京聲俗从冰作涼誤

香 虛良切說文芳也从黍从甘隸作一馨馥字从  
此俗作薝

鄉 虛良切一黨說文从兩邑相背从自音偏隸作  
一俗作鄉

羴 驅羊切說文西域牧羊也从羊从儿儿古人字  
俗作羴

強 渠良切說文斲也从虫弘聲又與彊同增韻上  
从口作強誤

裝 側霜切說文裹也又飾也从衣壯聲俗作粧

莊 側霜切嚴也又一舍也从艸壯聲从士夫之士  
五經文字云作莊非

牀 仕莊切說文安身之几坐也从木片徐鍇曰一  
所以安身也左傳曰蓬于馮偽病掘地下冰而

一焉至于恭坐則席也故从木片則片切革之  
省象人裹身有所倚著實不成字至於牆戕壯

牆之屬並當从丨省聲會意也俗作床

牆 慈良切說文垣蔽也从畷牀省聲俗作墻

匡 去王切正也从匚从王匚音方俗作匡

### 十一唐

唐 徒郎切國名又姓說文从口庚聲隸作一俗作唐

糖 徒郎切說文飴也从米唐聲增韻作饴誤

糠 丘剛切說文穀皮也从禾从米省庚聲或省作糠俗作糠

郎 魯堂切官名說文从邑良聲明朗字與此同俗作郎朗

倉 千剛切說文穀藏也从口从食省俗作倉

戕 茲郎切戕也从弋音翼與戕賊字不同戕音牆  
右从戈

岡 居郎切說文山脊也从山四聲四音岡凡剛綱  
諧聲者从一俗又加山作崗罍皆非

卬 五剛切高也从匕音比从卩音節凡昂仰迎糾  
等从一與卬字異卬音窮从工从邑俗作卬誤

尪 烏光切說文作尪曲脛也从大象形與尪異字  
不同或作一凡尪尪尪尪之類从尪俗作尪

荒 呼光切說文蕪也从草荒聲荒音同上从亡與  
疏流等字旁不同荒他骨切上从倒子俗作荒

黃 胡光切中央色說文从田艾聲艾古光字上从  
甘音集隸作一俗作黃

十二庚

羹 古衡切說文五味和也。从羔羊之羔，甘美之。美，古作鬻，俗作羹。

粳 古衡切說文稻屬。从禾更聲，亦作秔，俗作粳。

衡 何庚切權一。中从角，从大音，拱五經文字云从魚者譌。

阮 兵庚切說文閭也。一，塹也。从阜亢聲，亢音剛，俗作坑，或作坑，皆非。

橦 抽庚切說文作橦，裏柱也。从木堂聲，或作一，俗作撐。

卿 上京切公一。說文从卯，从自，卯音一，又為寅卯字，自音偈，俗作卿，卿。

明 眉兵切說文照也。从日月，亦作明，俗作明，非明音同玉篇，視也从目。

兵 補明切說文械也。从斤持斤，并力之貌，升音拱，偏旁作六，上非从匕，岳字俗作兵。

京 居鄉切說文人所為絕高丘也中从口音韋九經字樣云作京譌

### 十三耕

爭 留耕切鬪也說文从受从厂受平小切厂音曳隸作一凡等諍靜淨之類从一俗作爭

嬰 於耕切說文缶也从缶照聲照音同俗作嬰

### 十四清

并 卑盈切說文兼也从从开聲从古從字开音牽隸作一俗作并

成 時征切說文就也从戊丁聲俗作成

錫 徐盈切說文飴和饊者也从食易聲易音亦與錫字異錫音唐與糖同增韻作錫誤



呈 馳成切說文平也从口壬聲壬音挺俗从王作呈誤

盈 餘輕切說文滿器也从皿从乃从乃音沽从乃从乃音止乃古文及非从乃字俗作盈盈皆誤

𦉳 渠營切說文目驚視也从目从表後漢石經作𦉳凡還環儼𦉳之類从一增韻中从口誤

營 胡瓊切說文市居从宮熒省聲𦉳从熒省者省一火也如瑩縈上者火字與此不同俗作營

### 十五青

青 倉經切東方木色下从丹偏旁作月凡清精績靜之類从一俗从月誤

𦉳 普丁切說文亟詞也从𦉳从由凡娉聘俖𦉳之類从一俗作𦉳𦉳

冥 忙丁切說文幽也从日从六一聲一音覓俗作冥冥

廷 唐丁切說文朝中也从彡王聲王音珽俗作廷

寧 奴經切安也說文作寧从宀寧聲寧音同隸作  
一俗作寧寧

刑 奚經切說文罰臯也从井法也與刑字不同刑  
音同剋也增韻以刑字為法也亦作一誤

型 奚經切說文鑄器之法也从土刑聲刑音同俗  
作型

鼎 涓榮切與局同上从冎音一與錫韻鼎字不同  
鼎音覓

𪗇 蒲丁切說文輟也杜林以為竹管揚雄以為蒲  
器从留缶之留并聲增韻从留田之留作𪗇誤

### 十六蒸

蒸 諸仍切苴也說文从艸丞聲俗作蒸

承 辰陵切說文奉也从手从卩音節从𠂔音拱俗作承

丞 辰陵切說文作𠂔翊也从𠂔从卩从山隸作一

塍 神陵切說文稻中畦也从土朕聲俗又從土作塍非

冰凝 上筆陵切水凍也下魚陵切冰堅也古文冰作𠂔凝作冰後人以冰代𠂔以凝代冰冰偏

旁作𠂔凡冬寒凍凜馮冷凋冶之屬从𠂔

憑 皮冰切依也古作馮俗作憑

徵 陟陵切說文召也从徵省从王音珽俗作徵

澂 持陵切說文清也从水徵省聲徐鉉曰俗作澄非

**興** 虛陵切說文起也从舛从同會意與爨字上異俗作興

### 十七登

**登** 都騰切說文上車也从火音撥从豆與豆登字不同凡毘橙鄧登諧聲者从一偏旁俗从登誤

**登** 都騰切禮器詩于豆于一毛氏曰登降之登上从火音撥一豆之一从肉从又肉今作夕又古

右手字取祭肉于豆之義偏旁皆从登降之登非从此一字俗从旦夕字作登誤

**登** 都騰切說文毘一也从毛登聲增韻从登豆字作毘誤

**鐙** 都騰切說文錠也从金登聲徐鉉曰錠中置燭故謂之一今別作燈非是俗又作灯皆誤

**朋** 薄登切同門曰一說文古鳳字鳳飛羣鳥從以萬數故借以為一黨字本作翮象鳳飛之形隸

變作一非月非日非月非日故斜書之凡鵬棚  
棚崩崩之類从一俗作朋

曾 才登切說文辭之舒也从七八之八从日四聲  
曰音越四古憲字俗作曾曾

梭 魯登切說文松也从木夔聲夔音陵俗作梭楞

### 十八尤

尤 于求切說文作為異也从乙又聲上有一點與  
尤字異尤音汪从大而曲凡拋稽之類从一

憂 於尤切愁也說文从頁从心从攴音緩隸作一  
俗作憂憂

畱 力求切說文止也从田耶聲耶古酉字俗作留

劉 力求切殺也又姓徐鍇曰說文無一宇偏旁有  
之疑鐺即一宇也从耶音酉从金从刀刀字屈

曲傳寫誤作田爾俗作劉

州

之由切說文水中可居曰一詩在河之一从重川徐鉉曰今別作洲非俗又从三刀三川皆誤

舟

之由切船也偏旁作月中从二點與日月骨月月青三字不同凡互恆朕勝騰騰騰騰騰騰騰騰騰服俞朝前之類从一亦作舟履字从之俗作舟

周

之由切說文密也从用口俗作周或作週皆非

酉

慈秋切說文繹酒也上从水半見與山谷字同凡尊奠鄭等字从一

盪

張流切說文引擊也一屋縣名从幸从文从血幸尼輒切文音撲俗下从皿作盪皆誤

羞

思畱切說文進獻也从羊从丑俗作羞

脩修 並思雷切上說文脯也又長也从肉下說文飾也从彡經典以脩短之脩為修飾字誤

收 尸周切說文捕也从擊攴攴之攴彡聲彡音鳩五經文字云作収譌俗又作收誤

### 十九侯

侯 胡鉤切說文春饗所射一也从側人从厂从矢俗作候

句 古侯切曲也中从口鉤鞫字从之又九遇切句讀也古侯切幹當也佩觸曰俗別為勾非

裊 蒲侯切聚也又取也易一多益寡从衣从臼與裊裊二字異裊補刀切揚美也裊似救切袂也

兜 當侯切一蓋首鎧說文从𠂔从兒省𠂔音鼓俗作兜

餽 乎溝切說文就食也从食侯聲俗作糗

二十幽

斛 渠幽切說文角貌从角斗聲斗居劉切詩兕觥其斗與斗斛字不同斛胡谷切从斗之斗

二十一侵

心 思尋切火藏凡憂愛慶寧甯恥之類从一五經文字云又作小恭慕忝等字所从

尋 徐心切釋理也中从口九經字樣云作尋者譌

深 式針切淺一之對說文作澗从水寔聲寔音同隸作一探琛字與此同俗下从米从木皆誤

壬 如深切十榦名上下从一中畫長與王字不同壬音瑛从人在土上凡任衽妊妊鈺荏諧聲者

从一監本从千百之千作壬誤



簪

緇深切說文作𦍋首笄也从人从匕或从竹从替替七感切下从子曰之曰俗作簪

沈

持林切沒也又音審姓也說文从水尢聲尢音淫从人出口俗作沉非五經文字云今人以此

字音審別作沉為一沒之一於義無據雖行之久經典之文不可不正俗又加點誤

淫

夷斟切說文浸一隨理也从水全聲全音同从木从王音珽五經文字云作淫譌俗又作淫

陰

於禽切說文闇也从阜含聲含音同从今从云俗作陰

今

居吟切說文是時也从人从匕音集丁古及字凡含貪念鶴琴黔吟矜之類从一俗作今今

參

疏簪切說文作參商星也又藥名从晶參聲參音軫或作一又倉含切趨承也一謀也又蘇甘

切數名三音三義止此一字俗以此為一商之一而以倉含切別作參為一謀又以蘇甘切作

參為數名誤凡駢修慘繆之類从一

### 二十二覃

覃

徒含切說文作覃長味也上从鹵音虜隸作一  
凡潭譚簞蕈之類从一俗下从卑賤字作覃誤

貪

他含切說文欲也从貝今聲俗上从号令字作  
貪誤

耽

都含切說文耳大垂也一曰樂也从耳尢聲尢  
音淫五經文字云从身作耽者譌

南

那含切火方說文从市羊聲市音潑羊音荏隸  
作一俗下从午未之午作南誤

蠶

徂含切說文任絲也从虫音昆替聲替七感切  
从子曰之曰俗作蚕非蚕他典切寒蚓也

鷓

烏含切說文鷓屬从鳥會聲俗作鷓

龕

苦含切說文龍貌从龍合聲增韻上从今古字誤

含

胡南切說文嗛也从口今聲俗上从號令字作含誤

函

胡南切容也說文函舌也从弓象形弓胡感切隸作冫下从杵白字涵頤之類从冫俗作函

二十三談

甘

沽三切說文作甘美也从口含一隸作冫偏旁作日內从一短畫左右俱縣字小者作一點以便之凡恬甚旨者馱厭香某之類从冫俗作甘非甘古箕字其字从之偏旁作日月之日誤

二十四鹽

鹽

余廉切說文鹹也从鹵監聲俗作鹽

**銛** 思廉切利也說文鍤屬从金从口舌之舌監本作銛誤銛古活切斷也右从舌音聒

**籤** 思廉切說文山韭也从韭戔聲戔音尖从持戈凡纖籤穢識之類从一俗作籤

**潛** 慈鹽切說文涉水也从水替聲替七感切五經文字云作潛譌

**黏** 尼占切說文相著也从黍占聲俗作粘

**僉** 千廉切說文皆也虞書曰一曰伯夷从人从口从从俗作僉

**匱** 力鹽切鑑一又盛香器从匚音方說文作籤干祿字書云作奩非

二十五添

**恬** 徒兼切說文美也从甘从口舌之舌俗上从干百字作甜誤

兼 古嫌切說文并也从又持二禾俗作兼

二十六嚴

欸

虛嚴切雷屬方言青齊呼意所好為一俗作欸

二十七咸

品

魚咸切說文山巖也从山从品與葉韻品字不同品尼輒切多言也从品相連

鹹

胡品切鹽味說文从鹵咸聲鹵音虜五經文字云作鹹譌

龜

鉏咸切說文狡兔也从兔音吐从龜音連龜从兔頭鹿足凡讒纒之類从一俗从二兔作龜誤

二十八銜

銜 乎監切說文馬勒口中从金从行俗作銜

二十九凡

凡 符咸切說文最梧也从二从冫冫古及字若鳳  
凰風佩汎梵之類从丨五經文字云作凡者譌

字鑑卷之二

字鑑卷之三

吳郡學生李 文仲 編

上聲

一董

二腫

三講

四紙

五旨

六止

七尾

八語

九麌

十姥

十一齊

十二蟹

十三駭

十四賄

十五海

十六軫

十七準

十八吻

十九隱

二十阮

二十一混

二十二很

二十三旱

二十四緩

二十五潛

二十六產

二十七銑

二十八獮

二十九篠

三十小

三十一巧

三十二皓

三十三哿

三十四果

三十五馬

三十六養

三十七蕩

三十八梗

三十九耿



四十靜

四十一迴

四十二拯

四十三等

四十四有

四十五厚

四十六黝

四十七寢

四十八感

四十九敢

五十珍

五十一忝

五十二广

五十三躐

五十四檻

五十五范

一董

總 作孔切說文聚束也从糸息聲俗作總摠

二腫

宄

而隴切忙也說文从宀从儿宀音絲儿古人字俗作宄或以為丘穴字非穴胡決切下从八

冢

知隴切說文高墳也从冫豕聲冫音包豕丑六切與冢字不同冢音蒙俗作塚冢

勇

余隴切說文氣也从力甬聲甬字从此俗下从男作勇誤

恐

上隴切說文懼也从心珣聲珣音拱隸省作恐俗作恐

三講

蚌

步項切蛤屬从虫从丰滿之丰俗从草丰字作蚌誤

四紙

紙 諸氏切楮藉說文絮一苦也从糸从名氏之氏與紙字不同紙音低絲滓也从氐

尔 忍止切語辭从入从小凡爾爵舜愛从一舜愛字本非从此隸與一同俗作尔尔

爾 忍止切說文作爾一猶靡麗也从口从效尔聲效力几切隸作一俗从四人作爾誤

豸 从一上从夕音肉俗作豸豸

骨 於詭切說文骨端一美也从骨从丸徐鍇曰丸屈也音桓增韻从丸誤

弛 施氏切說文弓解也从弓也聲案施字亦从也聲說文迤馳弛馳等皆从也字俗从施省誤

豕 施氏切說文彘也象形凡豸豸豸之類从一上从一俗作豕

藜 如累切草木華一亦作蕊中从蕊音聚累切俗作藜蓋

褱 古委切說文附一祖也从示危聲俗从衣誤

羊 縣婢切說文作𦍋羊鳴也从羊象聲氣上出𦍋  
古羊字上从𦍋音寡監本从艸从千作𦍋誤

夂 陟侈切說文從後至也凡夂夂盈處各冬之類  
从一如夂復等字从夂音緩非从此也

### 五旨

旨 軫視切說文美也从甘匕聲甘偏旁作日匕音  
比凡稽嘗耆指之類从一俗作旨旨

底 軫視切平也致也說文柔石也从厂氏聲厂音  
罕與底字不同底音邸下也上从广音儼

水 式軌切凡黍黎澆滕益泰泰衍暴淒蒞羨盜潔  
淨準梁滅潁滄沖涼況滅決之類从一容齋三

筆云如沖涼況滅決五字悉以一部為冰玉篇  
正收入一部而冰部之末亦存之而皆云俗乃



**啣** 補美切說文啣也从口从畀音廩俗作啣或以為圖字非

**美** 莫鄙切說文甘也从羊从小大之大俗下从火作美非美古羔字

**匕** 卑履切匙也與變匕字不同匕音化凡叩頃旨者尼匙牝鵠鹿迎昂仰抑之類从一

**圮** 部鄙切說文毀也書方命一族从土从戊已之已與圮橋字不同圮音詒从辰巳之巳

**否** 部鄙切塞也又方九切說文不也从口不聲俗作𠂔非

**死** 想姊切歿也說文澌也从歹从人隸作一俗从變匕字作死誤

六止

**齒** 昌里切說文口斷骨也象口一之形止聲凡齡齧齕之類从一俗作齒

市

上止切說文作市買賣之所也从口音坳从一古文及止省聲止古之字隸作一上从一點與之字隸變同唯鬧字从此與未韻市字異市音潑中从一直畫肺沛等字从之俗書多混

士

鉏里切說文事也从一从十凡仕在吉壯莊壻毒塢之類从一偏旁从地土字誤在音辭縣名

柿

鉏里切說文赤實果从木束聲束音姊俗作柿非柿音廢削木札也从市音潑而止切說文主聽也象形俗作耳

耳

泉

想里切說文麻也从水台聲水匹刃切俗下从草木字誤

巳

詳里切辰名又養里切語終辭止也畢也毛氏曰今俗以有鉤挑者為終一之音以無鉤挑者為辰一之是未知其意義也凡祀熙祀包饗夔祀圮諧之類从一與巳巳巳三字不同巳

居里切見下巳胡感切與弓同如犯範汜范諸聲者从之巳音節若危卷之屬所从凡偏旁从一从己从巳从巳各从其諧聲主義俗書不分混作一誤

汜

詳里切說文窮瀆也詩江有一从水从辰巳之巳與汜字不同汜音泛从巳音胡感切

己

居里切說文中宮也與辰巳字不同凡紀記忌配杞起芑圮妃圮鄒郚之類諧聲者从一

起

墟里切說文能立也从走己聲杞芑字同音皆从戌己之己俱諧聲也今本說文从辰巳之巳蓋傳寫者誤爾增韻亦从戌己字

恥

丑里切說文辱也从心耳聲五經文字云从止作耻譌

呂

養里切因也說文作吕用也从反巳偏旁作厶後加人作以凡台能矣允之類从一俗作吕



喜 許里切說文樂也从豈从口豈音樹嘉字上亦  
从豈俗作喜嘉

### 七尾

亶

無匪切丨丨不倦之意亦作亶五經文字收入  
彙部云經典相承未得六書之體俗中从同誤

鬼

矩偉切說文人所歸也旁从厶音私凡魅魅  
魑之類从丨偏旁脫厶字誤

肫

敷尾切說文月未盛之明从日月之月从出俗  
从肉誤

豈

去幾切非然之辭說文从豆微省聲俗从山誤

虫

許偉切蟲屬說文作虫象其卧形下从厶俗

### 八語

巨 曰許切大也說文作巨从工象手持之俗作巨

莛 曰許切說文束葦燒从艸巨聲徐鉉曰今俗別作炬非是

敘 象呂切說文次第也从文余聲文音撲五經文字云作叙譌

鼠 實呂切說文作鼠穴蟲總名象形上从杵曰字俗作鼠

呂 兩舉切姓也說文脊骨也象形亦作膂俗作吕凡从丨者放此

旅 兩舉切行丨山川祭名說文从𠂔从𠂔季氏於秦山增韻以旅字註祭山川名非俗作旅

與 弋渚切說文黨丨也从舛从与与音同說文賜予也一与為丨今通作丨俗作與与

俎 壯所切說文禮丨也从半肉在且上指事也俗作俎

九虞

羽 王矩切說文作羽鳥長毛也隸省作一凡翬羿習翠翟琴之類从一俗作羽偏旁作羽皆誤

雨 王矩切說文水从雲下也一象天口象雲水雷其間也凡雲雷漏霸之類从一

甫 方矩切說文男子美稱从用从父凡專傳薄溲博牖之類从一俗作甫偏旁作甫皆誤

腑 方矩切臟一通作府又符遇切集韻云六一也或省作附

釜 扶雨切說文作釜鍍屬篆文作釜从金从父隸省作一俗作釜

武 罔甫切文一威也說文止戈為一俗作武

主 腫庾切君也宰也上一點本音一俗作主非

豎

臣庾切說文丨立也从取豆聲五經文字云从立作豎非

庾

勇主切說文水槽倉也又姓从广與聲與音俞俗作庾

十姥

魯

郎古切說文鈍詞也从白从魚白古自字俗作魯增韻中从四皆誤

虜

郎古切說文獲也从母从力虎聲母音官虎音呼俗下从男女字作虜誤

虎

火五切說文山獸之君从虍从儿几偏旁人字俗作虎

古

公土切說文故也从十口識前言者也俗作古

殺

公土切說文羊牡曰丨从羊攴聲攴音殊俗作粘

**鼓** 公土切革音之器說文从壺从支持之支凡鼗  
瞽之類从一五經文字云作鼓非

**鼓** 公土切說文擊一也孟子填然一之从支从壺  
支音撲偏旁皆从鐘鼓字非从此也

**戶** 侯古切說文護也半門曰一三一為門象形凡  
扉扇扁篇啟肇肩姪之類从一上畫連俗作戶

**溥** 滂古切說文大也从水專聲專音敷與溥字不  
同溥音團露貌从專

### 十一齊

**米** 莫禮切說文粟實象禾之形下與朮字同體朮  
匹刃切

**豐** 里弟切說文作豐行禮之器从豆象形隸作一  
與豐盛字不同凡禮醴體豨之類諧聲者从一

**體** 他禮切說文總十二屬也从骨豐聲俗作躰或  
作体非体蒲本切蟲貌又劣也

匸

胡禮切說文衺徑有所俠藏也从凵上有一覆之凵音隱與陽韻匸字不同匸音方上畫連合

啟

康禮切說文教也語不憤不一从文启聲启音同上从戶俗作啓非

十二蟹

解

佳買切說文判也从刀判牛角俗作解解

十三駭

十四賄

浼

母臯切說文汙也从水免聲又水流平貌詩河水一孟子汝安能一我俗作浼

十五海

改 居亥切說文更也从攴从己身之己攴音撲俗作改非改音以效改大剛卯也从辰巳之巳

毒 倚亥切說文人無行也从士从禁止之毋毒字从此增韻下从父母字誤

采 此宰切說文捋取也从木从爪後人加手作採與米字不同米音辨俗作采

采 此宰切說文同地為一从一采聲與采字不同采古審字下从米音辨

迺 曩亥切九經字樣云說文作迺音仍驚聲也从乃省鹵聲鹵籀文西字經典相承作一俗作迺

十六軫

忍 爾軫切說文能也从心刃聲刃而振切从刀有距俗作忍

困 苦隕切滿也从倉囿之困與糶字不同糶苦本切从困倦之困

盡 慈忍切說文器中空也从皿叀聲叀上从聿音以律切賣字上與此同俗作盡賣

### 十七準

準 之尹切說文平也从水隼聲俗作准

筍 簞尹切說文竹胎也从竹旬聲五經文字云俗作筍者誤

允 庚準切說文信也上从吕偏旁作厶俗作允

### 十八叻

技 武粉切措拭也从手从文諧聲也俗从擊文字作技誤



十九隱

隱

於謹切說文蔽也从阜从爪从工从又从心俗作隱隱

𦉳

凡隱切說文謹身有所承也从承从戊己之己俗下从巴作𦉳誤

𦉴

几隱切說文作𦉴蟲也一日瓢也婚禮用之从豆蒸省聲增韻作𦉴誤

𦉵

初謹切毀齒說文男八月生齒八歲而一齒七月生齒七歲而一從齒从七增韻从變匕字誤

二十阮

阮

於阮切說文轉卧也从夕从巳音節凡苑宛鴛怨之類从一俗作阮死

暄

況遠切日氣暴也从日从烜俗中从心作暄誤

憲

許建切說文敏也从心从目害省聲四橫目也俗作憲憲

於

於慙切說文作於旌旗之旂从屮曲而下垂从入隸作一凡旌旗旒旆族旉之類从一

二十一混

壺

苦本切說文作壺宮中道从口象宮垣道上之形詩室家之一集韻作一增韻上从士作壺誤

困

苦本切說文秦束也从禾从困倦之困與困字不同困苦隕切从倉困之困

袞

古本切龍章法服也說文从衣公聲增韻中从口誤

本

布袞切說文木下曰一从木一在其下俗作本非本他刀切見豪韻

番

布袞切說文蒲器斷屬所以盛種从留缶之留弁聲亦作番由偏旁留字俗下从由作番誤

二十二很

𧈧 口很切說文齧也从豕艮聲凡𧈧𧈩之類从一  
增韻从豸作𧈧𧈩𧈪皆誤

二十三旱

旱 許旱切希少也說文罔也从四干聲四偏旁罔  
字俗作罕

𧈫 多旱切說文多穀也从畝旦聲旦得案切凡壇  
壇𧈫之類从一俗作𧈫

嬾 洛旱切說文懈也从女賴聲俗从心从頁作懶  
誤

二十四緩

款 苦管切說文意有所欲也从欠灬省灬千外切  
上从出隸作一俗从匕从矢作欸誤

滿 莫旱切說文盈溢也从水滿聲滿音瞞中从二入俗从艸从雨作滿誤

卯 魯管切說文作非凡物無乳者！生从臼从八隸作一俗作卯

煖 乃管切說文温也从火奐聲奐音輓俗作暖或作煖非煖音萱說文一也

盃 烏管切說文小盃也从皿兀聲兀音宛俗作碗椀

### 二十五 潛

潛 數版切說文涕流貌詩一焉出涕从水从林音派从肉俗从林木之林从日作潛誤

赧 乃版切說文面慙赤也从赤良聲良人善切从尸从又音差俗作赧

### 二十六 產

產 所簡切說文生也从生彥省聲上从文俗作產

東 古限切說文分也从東从八與東西字不同凡  
闌諫鍊練之類諧聲者从一

### 二十七 銑

𠂔 彌殄切說文不見也象壅蔽之形凡麪沔𠂔之  
類从一俗作𠂔

繭 吉典切說文蠶衣也从糸从虫𠂔聲𠂔音繭上  
从𠂔音寡或作繭俗上从艸作繭𠂔皆誤

犬 苦泣切凡類焚焚倏臭戾臭闌焚煖器突吠奔  
穀獻哭然厭獄狀愁之類从一偏旁混从大誤

### 二十八 獮

雋 祖克切說文肥肉也从弓所以射隹與雋字下  
不同雋音攜下从尙音豹

善 上演切說文作善吉也从言从羊篆文作善隸  
省作一俗作善善

舛 尺兗切說文作舛對卧也从文中相背凡舞舜  
葬韋牽之類从一文音綏俗从旦夕字作舛誤

𤑔 乳兗切說文稍前大也从小大之大而聲凡𤑔  
𤑔𤑔𤑔之類从一俗下从犬誤

𤑔 乳兗切柔也俗作軟

𤑔 以轉切說文陷泥地从口从水敗貌上與山谷  
字同非从七八之八凡沿船鉛兗之類从一

兗 以轉切廣韻州名俗作兗

遺 去演切逐也說文作遺从辵譽聲譽音同隸作  
一俗作遺

二十九條

鳥 丁了切說文作𪗇禽總名也內从一點象目睛  
凡鳧鳥之類从一唯梟字从鳥首在木上非从  
全文此比鳥字但多一點俗作鳥

朧 土了切說文晦而兆見西方謂之一从日月之  
月兆聲與朧字異朧音同祭也左从肉

### 三十小

肇 直紹切說文擊也从攴肇省聲肇音同始也从  
戈从屮說文元有二字而監韻五經文字止收  
肇字以此為俗非也

兆 直紹切說文作𠄎灼龜坼也从卜𠄎象形古文  
作𠄎隸作一

𠄎 以沼切說文杼臼也从爪从白音舅凡滔韜蹈  
稻諧聲者从一與𠄎字不同𠄎音陷俗作𠄎

標 俾小切 衰端从衣从票俗从示誤

芟 婢小切 餓死曰一亦作歿从艸从受受音同漢  
食貨志塗有餓一又孟子塗有餓一亦常作此

與苧字不同 苧音孚說文草也毛氏曰凡餓苧  
一落字今从孚者蓋受變為孚信之孚傳寫譌

爾經史承譌既久難遽罄改俗高文大冊不可  
不正

### 三十一巧

卯 莫飽切 辰名說文作甲从兩戶相背象開門之  
形隸作一凡昴聊之類从一一本音卿唯卿字

所从與申卯字不同 卯古酉字如雷賈等字从  
之俗作卯

茆 莫飽切 鳧葵从艸从卯與茆字不同 茆音柳从  
申卯之卯



齧 五巧切說文齧骨也从齒俗作咬非咬古肴切  
哇也佩觿曰鳥鳴之咬爲一齧其順非有如此

爪 側絞切凡爲爭隱受覓稱淫祀采爰之類从一  
印虐字从側一如爵舜愛等字从尔非从此也

三十二皓

考 苦浩切說文老也从老省丂聲丂音同俗作考

寶 博浩切說文珍也从宀从王从貝缶聲王古玉  
字五經文字云作寶譌俗又作寶皆非

保 博浩切說文養也从人从采省采音孚古作示  
从子从八象人抱子形俗作保

艸 采早切說文百卉今作草偏旁作艸凡蒙若荅  
蓋之類从一與廿艸字不同廿音集如燕黃董

革等字所从艸音寡萑萑敬夢寬苜等字从之  
偏旁从一从廿从艸各从其屬俗混从一誤

棗 子皓切說文羊一也从重束束七賜切俗从約束字作棗誤

蚤 子皓切說文齧人跳蟲亦作蚤上从叉古爪字凡騷搔之類从一俗作蚤

皂 在早切椽也其房可以染黑故謂黑色為一五經文字云作皂誤

擣 都皓切說文手椎也从手壽聲俗作搗

腦 乃老切說文作腦頭體从匕《象髮白音信象一形今文作一惱腦字同此俗作腦

嫂 蘇老切說文兄妻也从女交聲交蘇后切俗作嫂嫂

橐 古老切說文稗也从禾高聲與橐字異橐苦浩切木枯也从木干祿字書云作橐非

三十三哥

我 五可切自己也說文从戈从手手古殺字俗从  
禾誤

左 臧可切一右从少从工少音同篆作𠂇一  
手也象形與ナ字異ナ與又同差隨字从此俗作左

三十四果

鎖 蘇果切說文門鍵也从金肖聲肖音同上从小  
大之小瑣字與此同俗作鎖鑰

墮 徒果切說文作墜落也从阜多聲一本篆文墜  
敗字音許規切今文以隳代墜而以一代墜本  
非其正然相承已久遠難改也

鯿 吐火切說文魚子已生者从魚情省聲俗从隨  
誤

麼 忙果切說文細也从么麻聲么尹堯切俗作麼

𠂔

普火切說文作𠂔不可也从反可非从匚匚二字匚音方匚音篋

姬

五果切說文嫗一也从女危聲危音同木節也从節从厂厂徐錯音曳增韻从危作姬誤

三十五馬

夏

亥雅切火也下从文音綏俗作夏

廈

亥雅切大屋也从广从夏广音儼俗从厂誤

𦉳

舉下切說文玉爵也夏曰醶商曰一周曰爵从斗从𠂔一象形𠂔音喧五經文字云作𦉳非

段

格雅切說文借也左从尸音著凡遐霞葭假蝦暇諧聲者从一與段字不同段音斷俗作段段

寡

古瓦切說文少也从宀从頌隸作一 下从分俗下从力作寡誤

𠂔 古瓦切說文羊角也偏旁作𠂔凡萑萑舊寬敬  
夢備蕞首繭之類从一偏旁俗混作艸誤

瓦 五寡切說文作𠂔土器已燒之總名象形俗作  
瓦

寫 先野切說文置物也从山鳥聲山音縣鳥音鷓  
俗中从手臼字作寫寫皆誤

### 三十六養

養 以兩切說文供一也从食羊聲俗作養

象 似兩切說文長鼻牙南越大獸象形俗作象象

兩 良獎切二十四銖古作兩中从二入俗从二人  
作兩誤

丈 直兩切說文十尺从又十隸作一案一升先土  
友氏曳閏究軌染等字說文俱無點俗加點非



莽

母黨切茂草可以毒魚从犬从艸莽音同隸作  
一五經文字云作莽譌俗又作莽皆誤

三十八梗

永

于憬切說文作永水長也象水壘理之長一也  
凡漾漾樣下从一俗作永从木者音橡

三十九耿

畚

胡耿切說文吉而免凶也从苜从天凡婦緝諧  
聲者从一經史作幸誤幸尼輒切乃報執圍畢

等字偏旁與此字不同雖傳譌已久經典之文  
不可不正俗書激一字作倭倭皆非

鼈

母耿切說文作鼈鼈一也从它象形隸作一凡  
鼈鼈蠅鼈之類从一俗作鼈

四十靜

穎

並庚頃切上水名穎川郡名从水从頃下禾末也又錐鋸从禾从頃俗皆从示作穎誤

糝

丘穎切說文臬屬从赫焚省聲赫音派俗下从林木字誤

四十一迴

迴

戶頂切說文遠也从辵同聲同音垌俗作迥

並

部迴切說文併也从二立九經字樣云隸作一普字从此

壬

他鼎切說文善也从人下土與壬癸字異凡徵望聖淫呈聖廷聽鐵之類从一偏旁俗从王誤

鼎

都挺切說文三足兩耳和五味之寶器也下象析木以炊俗作鼎或作鼎云象耳足形誤也

四十二拯



輦 之慶切說文輶車後登也从車丞聲俗作輦

四十三等

等

多肯切說文齊簡也从竹寺寺官曹之一平也俗作等

四十四有

久

舉有切長一說文從後灸之象人兩脛後有距也凡玖灸畝羨樞疾之類从一俗作久

臼

巨九切舂也下畫連俗作臼非臼音掬凡舂舅舊昏召函鑿兒雷毀鼠隍哀寫寫之類从一

咎

巨九切說文災也从人从各各者相違也晷字从此俗从卜作咎誤

帚

止酉切說文糞也从又持巾掃一內一音覓凡歸婦掃之類从一俗作帚

𠄎

以九切說文古酉字从𠄎上畫連閉門象也𠄎古卯字凡畱劉柳窳賈駟諧聲者从𠄎俗作𠄎偏旁从寅卯字皆誤

𠄎

力九切蒲一从艸从𠄎𠄎古酉字俗作𠄎非𠄎音卯鳧葵也

缶

俯九切說文瓦器象形凡寶器陶鬱缺缸罄罍之類从一俗作缶非缶乃卸字左旁从午从止

受

是酉切說文相付也从受从一俗作受非受音到集韻姓也下从丈尺字

壽

是酉切說文作𠄎久也从老省𠄎聲𠄎音疇隸作一上从毛从人今作主俗上从士誤

阜

房缶切說文作𠄎大陸也隸作一偏旁於左作𠄎凡陰陽陵陸隍阮之類从一偏旁俗作𠄎誤

秬

匹九切黑黍又篇夷切說文一稗二米从禾丕聲監本从否誤

𡗗 忍九切說文獸足蹂地从厶音私九聲偏旁作  
𡗗凡萬禹禹禹禹禽从一俗作𡗗偏旁作內誤

### 四十五厚

厚 胡口切說文作厚山陵之一也从𠂔从厂𠂔音  
同从反音音古享字隸作一俗作厚

苟 舉后切一且草率也上从艸與敬旁苟字不同  
苟音棘上从艸

歐 於口切說文吐也从欠區聲亦作嘔與毆擊字  
異毆音同右从攴音殊

口 苦厚切凡尋燕台船兌堯唯雖句鉤與郤單單  
喪襄囊之類从一如員冒高臺膏豪亭亮亨享

淳郭京鬲音回或羸羸之屬从口音韋隸作一  
同類偏旁或有从厶者誤

母 莫厚切父一說文从女中二點象乳子形其中  
直通者毋字音無凡海母母鵠母諧聲者从一

畝 莫厚切說文秦孝公制二百四十步為一从田  
从十从久音韭或作晦俗作畝畝

菓 莫厚切一甫代名說文酸果也从木从甘美之  
甘俗作菓

交 蘇后切說文老也从又从夂凡交接交媾之類  
从一俗作叟

斗 當口切說文作𠂔十升也象形有柄隸作一凡  
斛斛之類从一上从二小畫俗作斛誤

### 四十六黝

糾 吉黝切彈也說文从斗从糸斗音鳩凡糾收叫  
糾糾糾之類从斗俗从斗字作糾誤

### 四十七寢

寢 七稔切堂室也又卧也說文从寢省寢省聲亦  
作寢上从山音縣俗从穴作寢

審

式荏切說文作審悉也从宀从米音辨與寮案字不同篆文作一俗中从米粟字作審誤

甚

常枕切說文尤安樂也从甘美之甘从匹俗作甚

甚

常枕切說文桑實也从艸甚聲俗作椹非椹知林切佩觿曰鉄椹之椹為桑一其順非如此

畝

力甚切藏也說文从入从回或作廩凡亶稟畝圖鄙嗇之類从一俗作畝

稟

筆錦切說文賜穀也从畝从禾俗作稟

朕

直稔切至尊之稱說文作朕从舟从火从艸隸作一偏旁作朕凡騰騰騰騰勝勝从一俗作朕

### 四十八感

弓

乎感切說文譚也草木之華未發函然象形偏旁作巳凡汜范范盪犯範屺諧聲者从一偏旁

又作了若甬勇通函等字从之與巳字不同巳音節如卷厄危之類所从

頷

頷 上戶感切頷頷說文面黃也从頁含聲下五感切說文低頭也从頁金聲引春秋傳迎于

門者頷之而已說文本二字音義俱異增韻止收頷字音戶感五感二切以頷為俗非也

瞽

瞽 七感切說文曾也从子曰之曰𦉳聲𦉳子林切凡簪叢潛僭之類从丨偏旁俗混作替誤

### 四十九敢

敢

古覽切說文作敢進取也从攴古聲籀文作𢦏隸作丨

覽

魯敢切說文觀也从見監聲凡攬攬之類从丨俗中从目作覽皆非

### 五十琫

陝 失丹切說文地名从阜夾聲夾音同从二入俗  
从二人作陝非陝音峽隘也从夾輔之夾

丹 而珍切說文作林毛一一凡裘那駢葍類蚡之  
類从一俗作丹唯再稱併字乃从葍省非从此

奄 衣檢切說文覆也从大从申隸作一一凡淹掩之  
類从一俗作奄

厭 衣檢切說文竿也覆也又於輒切从厂獸聲獸  
音淹上从甘偏旁作日俗作厭

斂 力丹切說文收也从擊攵之攵僉聲俗从欠作  
斂誤

### 五十一 忝

忝 他點切說文辱也从心天聲俗上从天折字作  
忝誤

### 五十二 宐

广 魚掩切說文因一為屋與厂字異厂音罕凡屋之類廳廂解廈廛廁廚廢从一偏旁混从厂誤

五十三 躐

減 古斬切損也从水从咸俗作減

五十四 檻

五十五 范

犯 防檻切說文侵也从犬已聲已胡感切俗从辰已字作犯誤

字鑑卷之三



字鑑卷之四

吳郡學生李 文仲 編

去聲

一送

二宋

三用

四絳

五寘

六至

七志

八未

九御

十遇

十一暮

十二霽

十三祭

十四泰

十五卦

十六怪

十七史

十八隊

十九代

二十廢

二十一震

二十二稗

二十三問

二十四炊

二十五願

二十六恩

二十七恨

二十八翰

二十九換

三十諫

三十一襴

三十二霰

三十三線

三十四嘯

三十五笑

三十六效

三十七号

三十八箇

三十九過

四十禡

四十一漾

四十二宕

四十三敬

四十四諍

四十五勁

四十六徑

四十七證

四十八嶝

四十九宥

五十候

五十一幼

五十二沁

五十三勤

五十四闕

五十五豔

五十六禡

五十七釅

五十八陷

五十九鑑

六十梵

一送

送 蘇弄切說文遣也从辵侯省聲侯音孕俗作送

鳳 馮貢切說文神鳥也从鳥凡聲俗作鳳

衆 之仲切說文作衆多也从依从目依音吟隸作  
一俗作衆

### 二宋

宋 蘇綜切國名又姓說文从山从木俗作宋

### 三用

用 余頌切說文作用可施行也从卜从中凡周備  
甬勇甬專數甬庸牖之類从一俗作用

### 四絳

巷 胡降切直曰街曲曰一 下从巳音節俗从辰巳  
字作巷誤

### 五寘

豉 是義切鹽一 說文从豆支聲俗从擊支字作豉  
誤

陽 斯義切與賜同爾雅予也从日月之日與陰陽  
字異陽上从旦夕之旦

束 七賜切說文木芒也象形與束縛字異凡刺策  
棗棘焚之類从一

刺 七賜切說文直傷也又七迹切从刀从芒束之  
束與刺字不同刺音辣从束縛之束俗作刺

斨 以豉切說文侮也从日月之易與斨字不同斨  
古揚字

戲 香義切謔也說文从戈虛聲虛許羈切俗从虛  
實字作戲誤

# 六至

## 示

時利切說文天垂象也从二二古上字三垂日月星也凡神祇福祿祗祥社稷祐祕禋齋祈祀

視祁之屬義同諧聲者从一偏旁與衣字不同如初裕標襦襜裾之類从衣偏旁俗混作衣誤

## 謚

時利切說文行之迹也从言从𠄎从皿增韻作謚誤謚音益笑貌

## 二

而至切說文地之數也从偶古作弌凡次勻竺些於亞曰𠄎斗等从一斗雖不从一隸與一息利切說文陰數也象一分之形从口从八口

## 四

古圍字與四四字不同凡泗駟之屬从一四古

罔字若羅羈買賣等字所从四偏旁目字字旁辨誤示橫目也如夢蔑彘德等字从之又讀瀆

等偏旁賣字音育中本从四隸與一無異凡一四四偏旁各从其類俗混作四誤

次 七四切 一第說文不精也从欠二聲俗从冰作次誤

自 疾二切從也凡邊鼻鼻之類从一古省作白如魯習皆智者等字从之

遂 雖遂切說文深遠也从穴遂聲俗下从逐作遂誤

緣 徐醉切綬也所以連繫佩玉者从糸从彖監本从遂誤

椽 徐醉切陽一木名說文羅也从木彖聲詩隰有樹一增韻集韻作椽字祖說文當从一正

致 陟利切說文送詣也从攴从至攴音綬俗从穀文字作致誤

震 陟利切說文礙不行也从虫引而止之也虫音專俗下从足作震震皆誤

類 力遂切說文種一相似唯犬為甚故下从犬俗从大小字作類誤

**棄** 磬致切說文捐也古文作弃从升推華从去華北潘切去他忽切中非从世增韻作棄誤

**禮** 虛器切說文豕息也从豕壹聲監本从犬作禮誤

**器** 去冀切說文皿也象一之口犬所以守之器阻立切五經文字云作器譌

**冀** 几利切說文北方州也又欲也从北異聲俗作冀

**鼻** 巨至切說文衆詞與也引虞書一臯陶令書作暨从卩自聲卩音吟增韻下从水誤

**界** 必至切說文付與也下从宀音基鼻算字从此與界字不同界音忌下从升音拱

**鼻** 毗至切面之中部說文引氣自界也从自从界俗下从拱作鼻誤

**算** 匹寐切說文蔽也所以蔽甑底从竹从界界見上與算字異算并弔切筴算竹器从卑賤字



秘 兵寐切說文神也从示必聲監本从禾誤

葡 平秘切說文具也从用从苟省苟音棘上从竹  
音寡凡備鞴鞴類从一俗作葡

巽 平秘切說文壯大也从三大三日詩不醉而怒  
曰一增韻上从三四字作巽誤

### 七志

志 職吏切說文作恚意也从心出聲出古之字隸  
作一俗上从士夫字作志誤

廁 初吏切說文清也从广則聲俗作廁

飮 祥吏切以食食人說文糧也从人食俗作飼

忌 渠記切畏也上从戊己之己俗从辰巳字作忌  
誤

界

渠記切說文舉也下从升音拱與界字不同界必至切下从丌音基

八未

胃

于貴切說文作胃穀府也从肉囙象形隸作一俗又加月於左此妄添耳

彙

于貴切說文蟲似豪豬者或作蝟上从互音厲俗上从又作彙非

九御

據

居御切說文杖持也从手虞聲虞音遽从豕从虍音呼作據非

去

丘據切說文作杏相違也从大厶聲厶音祛盧飯器以柳為之象形隸作一

覷

七慮切伺視說文拘一未致密也从見虛聲虛昨何切俗从虛實字作覷誤

助 牀據切說文佐也从力且聲俗从眼目字作助  
誤

庶 商豫切衆也說文从广从艾艾古光字上从卪  
音集俗作庶

### 十遇

禺 元具切說文猴屬下从内古蹂字凡隅遇之類  
从丨俗作禺

具 衢遇切備也說文作𠃉从井从貝省井音拱隸  
作丨凡颺俱之類从丨俗作具

颺 衢遇切海中大風以其四面風俱至也永嘉人  
謂之風癡俗从其讀若豹皆誤

裕 俞戎切寬也說文衣物饒也从衣谷聲俗从示  
作裕非

負 符遇切擔也孤丨也說文从貝从側人又房九  
切俗从力从刀作負負皆非

務

亡遇切說文趣也从力殺聲殺音同从擊文之  
文俗上从攴作務誤

戌

春遇切說文守邊也从人持戈凡戔幾之類从  
一與戌亥字不同戌从一从戌己之戌

### 十一暮

步

蒲故切說文作步行也从止少相背少音槿凡  
歲涉頻陟之類从一俗下从少誤

蠹

都故切說文木中蟲从虫橐省聲或作蠹增韻  
上从士作蠹誤

妬

都故切說文婦一夫也从女戶聲俗作妬

兔

土故切說文獸名凡逸筮媿兔之類从一有兔  
者為一無點者為解兔之兔俗作兔

互

胡故切差一說文作互可以收繩也从竹象形  
中象人手推握也或省作一凡互互諧聲者从

一俗作互以此音都考切為氏字偏旁誤

### 十二霽

替

他計切說文作替廢一偏下也或作替从𦉳从  
日音越九經字樣云隸作一與替字異替音慘

遞

大計切說文更易也从辵虎聲虎音斯與遞字  
異遞音同迢遞也俗書傳一迢遞皆作遞誤

杖

大計切說文樹貌从木从小大之大監本从犬  
誤

麗

郎計切美也說文旅行也从鹿从丽丽古一宇  
从篆省俗作麗

隸

郎計切僕一說文作隸从隶柰聲篆文作隸今  
从篆省俗作隸

戾

郎計切說文曲也从犬出戶下會意凡淚淚  
喉从一俗作戾非戾徒蓋切輜車旁戶下从大

盼

胡計切說文恨視也从目兮聲又五禮切孟子使民一然或音匹覓切者非佩觿曰一恨之一為盼兮其類非有如此盼匹覓切顧視也从目从分

契

詰計切說文約也从大从𠂔𠂔恪八切从丰音界俗从刃作契皆誤

薊

吉詣切地名說文从艸劍聲劍古屑切五經文字云从角作薊者譌

髻

吉詣切說文總髮也从髟吉聲俗下从告作髻誤

繼

吉詣切說文續也从糸繼一曰反繼為一繼古絕字象不連體絕二絲斷字與此同俗作繼繼

医

壹計切說文藏弓弩矢器也从匚从矢匚音僕凡醫醫繫嫫醫醫之類从一俗作医

十三祭

祭

子例切說文一祀也从示从又持肉肉偏旁作夕凡蔡察祭察之類从一五經文字云作祭譌

歲

須銳切說文木星也从步从戌越歷二十八宿宣徧陰陽十二月一次俗作歲

脛

此芮切說文小稟易斷也从肉从絕省絕从刀从巳音節五經文字云作脛譌俗又作脛皆非

慧

祥歲切說文埽竹也从又持牲牲音莘隸作一凡慧擘擘之類从一俗作慧慧皆非

執

倪祭切說文種也从壺丸持亟種也詩我一黍稷後人加艸及云作藝藝壺音陸丸音戟凡熱

執勢樹褻齧擊齧熱世之類諧聲者从一與緝

韻執字不同執音汁旁从幸音聶如輜執驚繫

塾鞮執藝褻齧擊齧熱世之類諧聲者从執案

說文祭屑薛韻内从一至橋緝帖葉五韻内从

執持之執俗書偏旁不分混从執持字誤

熱 始制切情態也上从執古藝字與熱字不同熱音執怖也从執持之執

世 始制切說文作世三十季為一也从舟而曳長之亦取其聲也凡貫葉繼世之類从一俗作世

忼 時制切習也从心从小大之大監本从犬誤

曳 以制切說文曳一也从申ノ聲ノ音同隸作一俗加點作曳誤

叡 俞芮切說文深明也从収从目从谷省収音殘古文作睿俗作叡

憩 去例切息也說文作愒經典作一从口舌之舌从息俗上从千百之千作憇皆誤

弊 毗祭切說文頓仆也从犬敝聲亦作斃俗下从大誤

衛 于歲切說文作衛宿一也从韋从巾从行隸作一俗中从韋作衛誤



專

于歲切說文車軸端也从車象形凡數繫擊之類从丨增韻从口作專誤

亅

居例切說文豕之頭象其銳而上見也凡彘豕綠彘祿剝錄彘彘之類从丨與子字不同子偏旁又字如尋帶等字从之偏旁俗混作子誤

### 十四泰

帶

當蓋切說文紳也男子鞶革女子鞶絲象繫佩之形丨必有巾从重巾俗作帶

賴

落蓋切說文贏也从貝刺聲刺盧達切凡賴之類从丨俗作賴增韻从孤負字皆誤

賚

落蓋切說文賜也从貝來聲俗上从夾輔字作賚誤

柰

乃帶切說文果也从木示聲又丨何也俗別作柰非

貝

博蓋切說文海介蟲也从目从八與頁字下不同頁音頡下从人

祲

都外切說文爻也从爻示聲詩荷戈與一俗从衣誤

兌

徒外切卦名說文說也上从台音兌凡說稅兌之類从一俗作兌

旆

蒲蓋切說文繼旒之旗也从於市聲市音發五經文字云从巾作旆者譌

窳

千外切說文塞也从宀从艹切陸贄韻中事狀儻有賊臣蹈一廣韻从丘穴字作窳誤

蓋

居太切說文苫也从艸盍聲九經字樣云一宇今或相承作蓋者乃从行書艸如荅善之類並皆譌謬不可施於經典俗又作蓋誤

匄

居太切說文乞也遠安說亡人為一曷字从之俗从匕首字作匄誤

會 黃外切說文合也从亼从四从子日之曰亼音集四古窻字俗从由从日作會誤

禮 古外切說文帶所結也从衣會聲與禳禮字不同禮音同會福祭也从示

外 五會切說文遠也从夕从卜或作外俗作外

害 下蓋切說文傷也从宀从口宀从口言從家起也丰聲宀音縣丰音界俗作害

### 十五卦

挂 古賣切說文宣也从手圭聲俗作掛

畫 胡界切繪也又胡麥切界也佩觿曰一有胡界胡麥二翻俗別為畫其浮偽有如此

罍 胡界切一礙胃也从罒从圭俗作罍

派 普卦切 水分流 从水从辰辰古一 字俗作派 或作派 非派音孤水名

賣 莫隘切 鬻物說文 从出从買 中从网與讀續等 偏旁賣字不同 賣音育 俗中从橫目作賣誤

### 十六怪

怪 古壞切 說文異也 从心 圣聲 圣音窟 亦作怪 俗从所在 字作恠 誤

由 苦怪切 說文 堦也 从土 由 岳字不同 由莊持切 屈象形 或作塊 與古

屈 居拜切 說文 行不便也 又極也 从尸 由聲 由音塊 今作一 非从因 由字俗作屈

丰 居拜切 說文 作丰 草祭也 與丰 盛字不同 丰音峯 凡害憲 翔貉 耒 耜之類 从一

拜 布怪切 說文 首至地也 从兩手 从下 下古下字

十七史

史 古賣切說文分決也从又中象決形隸作一俗作夬

十八隊

對 都內切荅也古作對漢文帝以為言多非誠故去口从土

退 吐內切說文卻也从日从攴音撲从辵俗作退

內 奴對切說文入也中从出入之入凡納訥之類从丨案丙尙二字本从丨今文从人皆偏旁誤以入為人者多矣如兩滿之類先儒皆已正之唯丙尙二字行之已久故經典多用之

十九代

再 作代切說文一舉而二也从一从冫省俗作冉

慶 於代切慕也說文作𡗗从文恚聲又音綏隸作  
| 俗上从爪誤

二十廢

廢 放肺切說文屋頓也與篤廢字異廢音同肢也

二十一震

刃 而振切說文刀堅也从刀加鉅為一象形俗作  
刀

訊 思晉切說文問也从言夂聲夂音同與丸字異  
丸音戰俗作訊誤

晉 即刃切說文作晉進也易明出地上——从日月  
之日至聲隸作——俗从二口作晉誤

趁 丑刃切說文趨也从走彡聲俗作趁

吝 良刃切說文恨惜也从口文聲凡悒賂之類从  
丨五經文字云作吝非俗又作吝誤

釁 許刃切說文血祭也从釁省从酉酉所以余也  
从分五經文字云作釁非

脞 羊晉切說文子孫相承續也从肉从八象其長  
也从彡象重累也俗作脞脞

朮 匹刃切說文作朮分梟莖皮也从屮八象梟之  
皮莖也與草木字不同凡案梳麻蕪潛朮殺余

茶米采深之類从丨米采深字雖不从丨隸與  
丨同林音派米音辨

慙 魚僅切說文問也謹敬也从心欸聲欸音同俗  
作慙

二十二稔

舜

輸閏切仁聖盛明曰一說文作舜草也楚曰菑秦曰蔓蔓生象形隸作一俗上从爪誤

容

私閏切說文深通川也从谷从宀五割切俗作容

閏

儒順切說文餘分之月从王在門中俗从金玉字誤

二十三問

奮

方問切說文翬也从奞在田上詩不能一飛奮息遺切五經文字云作奮者譌

二十四炊

二十五願

曼

無販切說文引也从又冒聲上从日音冒凡曼蔓慢謾之類从一俗上从日月字誤



券

區願切說文契也下从刀監本作券誤券古倦字下从筋力之力

獻

許建切呈也說文宗廟犬名从犬虜聲虜牛建切俗作獻獻

二十六恩

巽

蘇困切卦名說文作巽从巛巳聲巳士憲切从二巳音節篆文作巽隸作一俗从二巳作巽誤

媿

奴困切弱也又而沈切說文好貌从女奐聲奐乳竟切俗作媿

二十七恨

貝

古恨切卦名說文从匕目隸作一

二十八翰

翰 疾肝切鳥羽書詞也說文从羽取聲上从出入

祭 倉按切明也說文从米奴聲奴音殘亦作祭俗作粢

贊 則肝切說文作贊明也从貝从𦉰𦉰音莘隸作

炭 他案切說文燒木餘也从火岸省聲俗下从灰

散 先肝切說文作𦉰離肉也从肉𦉰聲𦉰音同五

二十九換

奐 呼玩切說文取一也从人在穴上增韻云側人

貫 古玩切說文錢貝之一从母貝母音官穿物持

館 古玩切說文客舍也周禮五十里有市有  
有積以待朝聘之客从食官聲俗作館

萑 古玩切說文引詩一鳴于垤从萑口聲後人加  
鳥字凡觀歡權勸之類从一上从艸俗从艸誤

爨 取亂切說文齊謂之炊一曰象持飯一為竈口  
升推林內火六書略云指事兼會意上从日皆

指事與與字異也曰音掬升音拱今作大凡爨  
疊之類皆从一省俗作爨

段 徒玩切說文推物也从殳耑省聲與段字不同  
段音假凡鍛破股檝等諧聲者从一俗作段

亂 盧玩切理也說文从乙从亂音同中从么音  
於堯切辭字與此同俗作亂

### 三十諫

宦 胡慣切說文仕也从宀从臣宀音縣五經文字  
云上从丘穴字作宦者譌

篡

初患切說文革而奪取曰一从亼算聲亼音私  
算音筭俗作篡篡

三十一 禡

盼

匹莧切顧也說文引詩美目一兮从目分聲俗  
作盼非盼胡計切恨視也詳見霽韻盼字下

覓

疾禡切說文一菜也从艸見聲與寬闊字下覓  
字不同覓音桓上从斗下有一點

采

蒲覓切說文辨別也象獸指爪分別也與采摘  
字不同凡番審釋悉粵與之類从一

三十二 覓

覓

翹縣切說文營求也从曼从側人在穴上曼火  
劣切下从擊支之支凡瓊覓之類从一俗作覓

麩

莫見切說文麥末也从麥可聲俗作麩麩

徧 卑見切說文巾也从彳音赤與徧字異徧紕連切不正也五經文字云作遍者譌

棟 郎甸切說文木名从木東聲東音簡與棟字不同棟音凍屋隳从東西之東

奠 堂練切說文置祭也从酋酋酒也下其丌也禮有丌祭者丌音基俗作奠下从六者誤

### 三十三線

羨 似面切說文貪也从次从羊次音涎俗从次第字作羨誤

彥 魚戰切說文美士有文人所言也从彡尸聲彡音文凡顏諺之類从丌俗作彥

面 彌箭切說文作圖顏前也从百象人丌形百音首俗作面非

弁 皮變切說文作覓冕也或作弁隸作丌

**變** 彼卷切說文更也从擊攴之攴繼聲俗作變

**券** 達眷切說文勞也从力卷省聲亦作倦與契券  
字不同券音勸下从刀俗作勸

三十四嘯

**叫** 古弔切說文嘯也从口丩聲丩音鳩亦作噉  
俗从升斗字作叫誤

**弔** 多嘯切說文問終也从人持弓隸作一俗作吊

三十五笑

**笑** 仙妙切喜而解顏啟齒也从竹从夭折之夭俗  
下从夭作笑誤

**要** 一笑切一會也又於消切說文作𠄎从臼交省  
聲古作𠄎上與𠄎票字同體隸作一俗作要

祭

力照切說文作𤇑柴祭天从火从畚畚古慎字祭天所以慎也上从中从火隸作一俗作𤇑

召

直笑切說文評也从口刀聲凡昭招紹照之類从一俗作召皆非

邵

實照切說文晉邑也从邑與邵字異邵音同說文高也从卩音節增韻併作一誤

### 三十六效

效

胡孝切說文象也又功也从文交聲九經字樣云作効譌

孝

許教切說文善事父母者从老省从子俗作孝非孝乃教字偏旁音交

教

居效切說文上所施下所效从文从孝會意孝音交上从爻與孝弟字異九經字樣云作教譌

校

居效切說文木囚也从木交聲又相角也報也論語犯而不一又胡孝切學一也一尉也案此

字元有二音借為比校字佩觿以此止音胡孝切誤

窳 披教切說文害也从穴从寅卯之卯與宥韻窳字不同窳力救切下从古酉字

### 三十七號

号 胡到切說文痛聲从口在丂上丂音考凡號号之類从丨俗作号

耗 虛到切減也虛也說文稻屬从禾毛聲俗作耗

告 居号切啟也說文牛觸人角著橫木所以丨人也从口从牛俗作告

奧 於到切深也从宀从采音辨从升音拱今作大俗中从米粟字誤

轟 徒到切以犛牛尾為之上从轟案轟字从禁止之毋毋从父母字增韻从父母之母作轟誤



盜

徒到切。一賊。說文从次，次欲皿者。次音涎。五經文字云：从次第字作盜非。

冪

魚到切。說文：嫚也。又寒浞子名。語一盪舟从亦。从百，亦音彙。百音首，俗作冪。

報

博冒切。告也。復也。說文从幸，从及。幸尼輒切。及上从卩，音節，俗作報。

冒

莫報切。說文：頭衣也。从冂，从二，冂音覓。凡冒帽，曼漫，尋冕，冑最，翳勗之類。从一，中从二，左右俱不連與。日曰二字不同，偏旁俗混作日，誤。

暴

薄報切。晞也。猛也。說文：日晞之。一作暴，疾趣之。一作暴，隸併作一。下非从恭敬字，俗作暴，曝非。

### 三十八箇

作

子賀切。為也。造也。增韻引韓愈詩：方橋如此。一又即各切。俗別為做，非做直信切。

馱 唐佐切說文負物也又音駝从馬大聲俗从犬作馱誤

三十九過

臥 吾貨切說文休也从人臣取其伏也凡臨監之類从卜俗从卜兆字作卧誤

糲 奴臥切稻之黏者可以為酒亦作粳从禾从需俗作糯

四十禡

霸 必駕切把持諸侯之權从雨从革从日月之月五經文字云作霸譌

西 呼訝切說文覆也从口上下覆之口音覓凡罍覈覆賈之類从一與東西字不同俗作西

匕 呼跨切說文變也从倒人與匙匕字不同凡眞化老它之類从一

卸 司夜切說文舍車解馬也从卩从午从上卩音節御字从此俗从留缶字作卸誤

舍 式夜切說文市居曰一从亼从中从口隸作一俗中从地土字作舍誤

### 四十一漾

據 餘亮切廣韻式也法也左从手俗作據非據徐兩切說文相實从木兼聲

望 巫放切說文出亡在外一其還也从亡聖省聲聖音同月聖也从月从臣从王王音琤俗作望

牆 子亮切說文醢也从肉从酉酒以和一也牀省聲肉偏旁作夕案將字亦从此省俗作醬誤

將 子亮切一軍師帥也又音漿說文帥也从寸牆省聲唯鏘鏘蔣蔣之類从一如漿牆漿皆从

一省非从全文上从肉俗从爪作將誤

壯

側況切說文大也从士夫之士凡莊裝裝之類  
从一俗从地土字作壯誤

勑

楚亮切說文造法一業也从井田之井办聲办  
楚良切俗从兼并字作勑誤

亮

力仗切明也下从儿古人字俗下从几案字作  
亮誤

況

許放切譬擬也左从水詳見水字下俗作况

四十二宕

喪

蘇良切說文作喪亡也从哭从亡會意隸作一  
俗作喪

四十三敬

競

渠映切說文作競疆語也从言从二人隸作一  
與競字不同競居陵切懼貌俗作竟

慶 丘正切說文行賀人也从心攴吉禮以鹿皮爲  
贄故从鹿省又音綏俗作慶

四十四諍

四十五勁

令 力正切說文發號也从亼音集从卩音節俗作  
令

四十六徑

聽 他定切說文聆也从耳从惠王聲王音珽俗从  
地土字作聽聽皆誤

甯 乃定切姓也說文所願也从用寧省聲俗从必  
作甯誤

倭 乃定切說文巧諂高材也从女从信省五經文  
字云作倭譌

### 四十七證

**贖** 石證切益也餘也又音孕說文物相增加也从貝朕聲集韻云俗作剩非是

**稱** 昌孕切權衡又處陵切說文銓也从禾再聲再亦處陵切从爪从華省俗作稱或作秤皆非

### 四十八證

**亘** 居鄧切通也說文从二从舟與僊韻亘字不同亘音宣凡恒經桓之類諧聲者从亘

**堯** 丁鄧切牀一也从几案之儿从登俗从兀作堯或作橙非橙宅耕切橘屬

### 四十九宥

**又** 爰救切更也說文作又右手也象形偏旁作子凡隻雙隻矍受爰變及祭尋帝侵聿聿肅聿雪

走妻兼庚唐康庸急慧事丑尹君爭隱之類  
从一亦作子如右灰有友所以與少字不同  
臧可切唯左字从之俗作又

褻

似救切說文袂也从衣采聲采古穗字與褻貶  
字異褻補刀切內从孚俗从由作裏袖誤

獸

舒救切飛曰禽走曰一从畀从犬畀許救切上  
从四象形非从二口俗作獸

究

居又切說文窮也从穴九聲與究字不同究音  
軌俗加點作究誤

廩

居又切說文馬舍也从广殷聲殷音同从貞貞  
古東字五經文字云从既作廩誤

舊

互救切對新之稱上从竹音寡下从杵白之白  
俗上从艸下从手臼字作舊誤

富

方副切說文備也从宀畐聲宀音緜五經文字  
云作富譌

冑

並直又切上說文兜鍪亦作鞬从由从肉

窳

力救切地名左傳予之石一下从卯古酉字與效韻窳字不同窳披教切从寅卯之卯

五十候

寇

丘候切說文暴也从擊文之文从完五經文字云作寇寇非

藪

古候切說文交積材也象對交之形凡溝講藪觀之類从一又再稱儻字下亦从一省俗作藪


茂

莫候切說文草木盛貌从艸戊聲戊音同戊已也中無點畫俗作茂非

賈

莫候切說文易財也从貝𠄎聲𠄎古酉字俗作賈監本作賈皆誤



**鬥** 丁侯切說文作兩士相對兵仗在後象一之形凡闕關闕闕闕闕閱關之類从一經史多譌作門故廣韻註云凡从一者今與門戶字同其實非也字法當从一

**鬪** 丁侯切說文遇也从鬥斲聲斲竹角切俗作鬪

**豸** 丁侯切龍尾星又謂之𧈧張衡東都賦日月會於龍一从豸从𧈧監本从豸作豸誤

**陋** 郎豆切鄙惡也从阜从亼从丙亼音篘俗作陋

五十一幼

**幼** 伊謬切說文小也从么从力俗作幼

五十二沁

譖 側禁切說毀也說文从言替聲替七感切下从子曰之曰俗作譖

五十三 勘

五十四 闕

暫 昨濫切說文不久也从日斬聲五經文字云作暫 暫 譌

五十五 豔

豔 以贍切說文好而長也从豐盍聲俗作艷

染 而豔切說文以繪一為色从水从木从八九之九俗加點作染誤

五十六 榛

念 奴玷切說文常思也从心今聲俗作念

僭 子念切說文假也从人替聲替七感切五經文字云作僭譌

### 五十七 釀

劔 居欠切說文人所帶兵也从刃僉聲刃而振切集韻云俗作劔非是

### 五十八 陷

𠂔 乎齏切說文小阱也从側人从白音舅凡陷陷欲蓄培陷閭諂富啗焰𦉳招帽之類諧聲者从𠂔與小韻𠂔字不同𠂔以沼切上从爪偏旁从𠂔从𠂔各從其諧聲俗以閭陷等字从𠂔誤

### 五十九 鑑

監 古陷切說文臨下也从臥从皿凡覽擊覽覽監  
監之類从一

### 六十梵

汜 孚梵切說文濫也从水已聲已胡感切范字从  
此與止韻汜字不同汜音似从辰巳之巳

### 字鑑卷之四

字鑑卷之五

吳郡學生李 文仲 編

入聲

一屋

二沃

三燭

四覺

五質

六術

七櫛

八勿

九迄

十月

十一沒

十二曷

十三末

十四黠

十五轄

十六屑

十七薛

十八藥

十九鐸

二十陌

二十一麥

二十二昔

二十三錫

二十四職

二十五德

二十六緝

二十七合

二十八盍

二十九葉

三十帖

三十一業

三十二洽

三十三狎

三十四乏

一屋

穀 古祿切說文百一總名从禾設聲俗作穀非穀音同楮木皮可為紙下从木設苦角切

谷 古祿切山一說文从水半見出於口與藥韻谷字不同谷其虐切口上阿也上象其理俗作谷

卜 博木切說文灼剥龜也象灸龜之形凡卦外貞叶之類从一俗作卜

支 普木切說文小擊也从又卜聲與支持字異偏旁作文俗以為文學字非凡寇敲脩條盤務紋復變收之類从一偏旁俗作又又字皆誤

木 莫卜切說文作木从中下象其根與朮字異木匹刃切凡禾木棊蘖某來耒乘等从一俗作木

秃 他谷切說文無髮也从儿从禾儿古人字俗下几案字誤

伏 房六切說文同也从人从犬與伏字不同伏音大地名在海中从小大字

復 房六切說文往來也从千彡聲夏音同隸作一  
下从又音綏俗作復

服 房六切衣一又從也从舟从卩从又舟偏旁作  
月卩音節俗作服

目 莫六切眼也凡縣隻冒勗篡直真鼎具之類从  
一偏旁亦作四橫目也蜀畢德幾憲彘爵之屬  
所从爵字雖不从此隸變與四同

苜 莫六切一苜草名从艸从目與屑韻苜字不同  
首音埜上从竹音寡

穆 莫六切親也說文从禾彡聲彡音同从黑白之  
白从小从彡隸作一增韻上从自誤

肅 息六切說文持事報敬也从聿在肅上聿尼隸  
切肅古淵字左右岸也中象水也俗作肅肅

宿 息六切說文止也从宀佰聲佰古夙字俗作宿  
宿



赤 式竹切說文豆也象一豆生之形又伯一季後人加又及艸凡叔督跋戚之類从一俗作赤

倏 式竹切說文犬走疾也从犬攸聲俗从灰火字作倏誤

粥 之六切糜一說文作𩚑从鬲从米隸省作一旁从一象氣之形非弓箭字鬻字與此同俗作粥

肉 而六切肌一偏旁作月夕與日月字不同凡祭然身炙豸毳毳親牆將筋之類从一俗作肉

朐 女六切朔而月見東方謂之縮一增韻云从日月之月从肉舊从内誤說文作朐从月内聲素

此乃諧聲之字以類推之當从骨肉之內疑傳寫譌爾今依增韻从肉

衄 女六切說文鼻出血从血丑聲俗从办或从刃作衄衄皆誤

育 余六切養也从去从肉去他骨切與云字不同徹轍字从此

賣

余六切說文街也从貝齒聲齒古睦字隸作一  
中从四與買賣字不同賣中从四音罔凡瀆續  
讀寶續覲之類諧聲者从一俗作賣

臼

居玉切說文又手也下畫不連與杵臼字不同  
凡申陳與舛與與與覺學覺盥巢卵之類从一

鹿

盧谷切說文獸也象頭角四足之形鳥一足相  
似故从二匕匕卑履切俗作鹿

祿

盧谷切說文福也从示彙聲彙上从互音屬俗  
作祿凡从彙者與此同

角

盧谷切集韻獸不重也東方朔傳臣以為龍又  
無一謂之為蛇又有足又漢四皓一里先生佩

觶集引辨證曰案資暇集漢四皓其一号一里  
一音祿故魏子祕記荀氏漢紀慮將來之誤直  
書祿里可得而明俗別為自於義無據又音覺  
獸一也字象形非从刀下用作角角者皆誤





斲 竹角切說文斲也从斤从𠄎𠄎徒口切

槩 所角切說文矛也从木朔聲俗作稍

### 五質

叱 昌栗切說文詞也从口七聲俗从𠄎𠄎字作叱  
誤

日 人質切說文實也太陽之精不虧从口一象形  
凡晉量爨是冥亘昔涅退暫復音覃之類从一  
如旨香厭等字从甘魯智皆習者等从古自字  
𠄎字从囧亘字中从古文回亘字从舟又冕曼  
最勗𠄎等字从日音冒曷曹替替杏等字从子  
日之曰偏旁俱不同俗混从一誤復音覃字雖  
不从一偏旁與一無異亘音宣亘居鄧切

密

覓筆切稠也說文山如堂者从山宀聲宀音伏中从必蜂蜜字與此同俗作密蜜誤

悉

息七切說文詳盡也从米从心采音辨俗上从采摘字作悉誤

漆

親吉切膠一古作漆說文木汁可以髹物下从水象漆如水滴而下和膝字與此同俗作漆

鬻

壁吉切一策說文作鬻从角鬻聲鬻籀文詩字从二或一正一倒集韻作一增韻上从咸誤

淠

壁吉切說文風寒也从水畢聲音冰與淠字異淠音同淠沸泉出貌从水

匹

普吉切說文四丈从八从匚音僕俗作疋疋誤疋音胥疏旋等字所从疋音正是疋字从之

弼

薄密切說文輔也从弼从西弼其兩切西音檻舌貌俗作弼

逸

弋質切說文失也从辵从兔鹿之兔俗从解兔字作逸誤

吉 激質切說文善也从士夫之士从口俗作吉非

汨 越筆切說文治水也从水从子日之口與汨字不同汨音骨又音覓从日月之日

率 朔律切說文捕鳥畢也象絲罔上下其竿柄也中从兩二字俗作率

盱 黑乙切說文響布也从十从育又佛一人名育音迨俗作盱

### 六術

沐 食律切說文水出青州从水木聲木見下與沐浴字不同沐音木

朮 直律切山薊也从木加點木匹刃切凡述殺刺弒之類从一俗从草木字作朮誤

出 尺律切一入也說文作𠄎進也象草木益滋上一達也隸作一六書略云華英也華皆五一故





鬱

紆勿切說文木叢生者从林从缶从一从鬱从  
彡一音覓俗作鬱

尉

紆勿切火斗一器又紆胃切說文作尉从卮又  
持火以一申繒也今文作一俗加火作尉非

九迄

十月

月

魚厥切說文作𠄎闕也太陰之精象形隸作一  
上有闕中二畫連左不連右凡朦朧朝望明朗

有朏期則霸閒肌朏之類从一與月月月三字  
不同如脣胃筋臘等字从月音肉上畫合中二

畫滿青字从月音丹前俞朝朕等字从月音舟  
偏旁俗混作月誤

粵

王月切說文于也从亏从采亏古于字采古審  
字俗內从米粟字下从亏作粵誤

曰 五月切說文作𠂔从口乙聲上有闕與日月字異凡會曾曷曹替替沓留昌之類从一俗作日

越 王月切說文度也从走戍聲戍音同斧也从戈从レ音厥凡越越字諧聲者與此同俗作越

闕 丘月切說文門觀也又選一空官也俗作闕

髮 方伐切說文根也从彡友聲友蒲撥切俗从朋友字作髮誤

發 方伐切起興也說文从弓从夂从殸音撥儿廢發之類从一俗作發

罰 房越切說文辜之小者从刀从罍未以刀有所賊但持刀罵罍則應一

十一 沒

沒 莫勃切說文沈也从水从殸音同上从回古回字隸作一殸殸字與此同旁非从殸俗作沒

去

他忽切說文从倒子與云曰字不同凡充育棄之類从一古作充若流疏梳毓等从充

卒

臧沒切說文作交隸人給事者衣為一一衣有題識者隸作一非从衣从十俗作率誤

### 十二曷

達

陀葛切通也說文从辵韋聲韋音撻下从羊凡闕撻之類从一俗作達

刺

郎葛切說文戾也从約束之束从刀與刺字不同刺音七賜七迹二切从芒束之束

歹

牙葛切說文列骨之殘也从半高偏旁作歹凡殊殂殛列之類从歹下从旦夕字俗作歹

### 十三末

沫

莫葛切水名在蜀从水从本末之末與沫字不同沫莫佩切水名在衛从午末之末

舌

古活切說文作舌塞口也从口阜省聲阜音厥隸作一上从千百之千與薛韻口舌字不同舌

从干犯之干凡話活闊括括苦聒适鵠刮之類諧聲者从一增韻一舌不分混作口舌字誤

枯

古活切說文槩也从木舌聲舌音同與枯字異枯音柢佩觿曰竈枚之枯為一柏其類非如此

市

普活切說文作市草木一一然象形隸作一凡市沛鮪肺蒂旆从一偏旁又作市索南字彙上

从之一本說文鞞字篆作市音拂从巾象形篆文二體隸變為一與市井字異詳見止韻

友

蒲撥切說文犬走貌从犬加ノ與朋友字不同凡跋拔黻鞞髮鉞諧聲者从一俗作友友

十四點

夏

訖黠切說文戟也从戈从頁音首俗作夏

𠂔 恪八切說文巧一也从刀丰聲丰音界凡契契  
齧碧絜絜絜之類从一俗作𠂔

八 布拔切說文作八象分別相背之形偏旁亦作  
八凡曾豕尚肩匹四詹半駢肖余茶廛貝只真

穴保兮平乎金火光朕送東帛木末之類从一  
若台酋谷上从水敗貌羊苴首弟上从一點一

撇又兼并二字上从二撇俗混从一誤木匹刀  
切

商 女滑切說文言之訥也从口从內今作一凡舊  
商齋喬之類从一偏旁俗作罔誤

### 十五轄

牽 胡轄切說文車軸耑鍵也兩中相背从𠂔𠂔省  
聲𠂔古𠂔字增韻上从士下从牛作牽誤

刹 初轄切柱也又僧寺說文从刀殺省聲下从木  
音直律切弑殺字與此同俗作刹

# 十六屑

**切** 千結切說文剗也从刀七聲俗作切

**竊**

千結切說文盜自中出曰一从米从穴离聲离音薛俗作竊竊

**卩**

子結切說文作卩瑞信也象相合之形今作節偏旁作卩巳巴凡令卸報服巽辟卽卽卸卸卽危厄厄卷卷卷兀苑卷僂厄色岳邑絕脛肥丞承卻之類从一與卩字不同卩偏旁邑字

**截**

昨結切說文斷也从戈雀聲俗作截

**鐵**

他結切說文黑金也古作鑊下从王音珽俗作鐵

**首**

徒結切說文目不正也上从苜音寡與屋韻首菑字不同首音目上从艸凡夢蔑之類从一

涅 乃結切說文黑土在水者又染黑也从水从土  
日聲俗下从工匠字作涅誤

頁 胡結切說文頭也从頁从人下非从貝俗作頁

隼 胡結切說文頭衰獸一態也賈誼傳一后亡節  
从大圭聲大音仄增韻从佳作隼誤

執 倪結切危一也考工記大則短而一上从執古  
藝字與執字異執音至握也上从執持之執

血 呼決切說文作𩚑祭所薦牲一也从皿从一隸  
作一凡盍畫鹽監監盞之類从一

穴 胡決切說文土室也从宀八聲俗作宀非宀而  
隴切忙也凡空窻竈鳩窠之類从一

蔑 莫結切說文勞目無精也从首人勞則一然从  
戍首音埜戍春遇切俗作蔑蔑皆非

十七薛

**執** 私列切日狎習相慢也說文作執從日執聲謹案執音汁非聲也說文褻熱字與此同韻皆從

執得聲執古藝字則此非從執持之執增韻云字當從執乃說文傳寫者譌爾

**離** 私列切說文蟲也从尢象形俗作离

**絕** 情雪切說文斷絲也从糸从刀从巳音節監本從顏色字誤

**舌** 食列切口中一說文上从干犯之干凡恬恬舐結括之類从一俗作舌非舌音恬詳見末韻

**熱** 而列切說文混也从火執聲執古藝字俗作熱

**刷** 並所劣切上說文拭也从又持巾在尸下說文刮也从刀刷省聲俗併作刷誤

**徹** 敕列切說文通也从彳从文从育音毓凡撤撤躒徹之類皆从一省五經文字云从去作徹譌



了 吉列切單也說文無右臂也从了乚象形俗作  
子非子乃偏旁子字

缺 傾雪切說文器破也从缶決省聲俗作缺

蘖 魚列切說文作擻伐木餘也或从木薛聲古文  
作不從木無頭此下正从不也增韻亦作蘖誤

別 皮列切說文作𠄎分解也从刀丹音寡隸  
作一俗从力作別誤

### 十八藥

爵 即約切說文作𩚑禮器象形中有鬯酒又持之  
也隸作一俗上从爪作爵誤

弱 日勻切說文撓也下與羽同體俗作弱

箸 陟略切置也服衣也又直略切附也說文遲倨  
切飯敝也从竹者聲又陟慮切紀述也許慎云

著於竹帛謂之書佩觿曰一有陟句知丰直略知虐四翻俗別作着為陟略直略二切誤五經文字云作筋為是著之著者譌經典紀述著書之箸字當从竹取竹帛之義而轉寫从艸者非職略切說文挹取也中从一象形寸字下亦从一俗皆从點誤

走 敕略切說文乍行乍止从彳从止偏旁作之凡巡迺之類从一俗作之

谷 其虐切說文口上阿也从口上象其理與山谷字不同凡絡卻蹊之類从一

虐 魚約切說文作虐殘也从疒虎足反爪人也隸省作一疒音呼俗作虐

卻 乞約切說文節欲也从卩音節谷聲谷音噓與卻字異卻音隙从邑五經文字云俗作却

矍 厥縛切說文佳欲逸走也从又持矍俗作矍

十九鐸

博 伯各切說文大通也从十从專專音敷與博字不同博音團从心从專俗作博

鑿 疾各切說文穿木也从業从臼从爰从金俗作鑿

鶴 曷各切鳥似鵠長喙丹頂說文从鳥雀聲雀胡沃切五經文字云从霍者譌俗又作鶴皆誤

惡 遏各切說文過也从心亞聲亞衣駕切次也五經文字云从西者譌俗又作惡皆誤

壑 黑各切說文溝也从叔从谷从土叔音殘俗作壑

𦉳 逆各切說文作𦉳譌訟也从口从𦉳音逆隸作𦉳凡鄂愕𦉳𦉳選𦉳之類从一增韻作𦉳誤

萼 逆各切華跗从艸从𦉳俗中从品誤

𧇗 烏郭切說文善丹也从丹青之丹𧇗聲俗作𧇗

二十陌

坼

恥格切說文作坼裂也易百果草木皆甲一又毀也从土坼聲坼音赤隸作一俗作拆

𧇗

古伯切國名說文虎所攫畫明文也从虎乎聲乎音律俗作𧇗

𧇗

乙𧇗切說文規一商也从又持萑凡護𧇗護獲獲之類从一上从竹音寡俗作𧇗

白

簿陌切西方色凡臯穆隙𧇗皙柏泉原之類从一如魯者皆智習等字本从古文自隸與一

二十一麥

麥

莫獲切說文芒穀秋種厚糲故謂之一從來有穗者从夂音綏俗作麥

脈 莫獲切 說文血理分 衮行體者亦作脈 从肉从辰 音派 俗从永作脈 誤

策 測革切 說文馬箠也 从竹束聲 束七賜切 俗从宋作策 皆誤

冊 測革切 說文作冊 符命也 象形 或作冊 凡命扁嗣 刪 冊 冊 之類 从一 俗作冊 冊

厄 於革切 隘也 災也 从厂 音罕 从巳 音節 古作厄 與厄字不同 厄五果切 上从厂 音曳 俗作厄

覈 下革切 說文實也 从西 敷聲 西呼訝切 俗作覈

革 古核切 說文獸皮治去其毛 一更之象 上从廿 音集 俗作革

### 二十二昔

昔 思積切 往也 說文作昔 乾肉也 从殘 肉 日以晞之 籀文作昔 隸作一 俗作昔

夕 祥亦切說文莫也从月半見凡名多夜外夕之類从丨俗作夕

釋 施隻切說文解也从采音辨畢聲與釋字不同釋音同潰米也左从米俗从采摘字作釋誤

隻 之石切說文鳥一枚也从又持佳俗作隻

炙 之石切說文炮肉也从肉在火上又之夜切膾丨也肉偏旁作夕中从二點俗从旦夕字誤

斥 昌石切大也黜也說文作席卻屋也从广革聲广音儼隸作丨凡析坼訴沂之類从丨俗作斥

石 常隻切說文山骨也从厂之下口象形厂音罕俗作石

益 伊昔切說文作益饒也从横水从皿隸作丨

迹 資昔切足丨說文步處也从辵亦聲或作蹟是音綽俗作跡

易

夷益切說文日月爲一象陰陽也一曰从勿又以鼓切凡錫剔賜鬻之類諧聲者从一俗作曷

場

夷益切說文疆也从土易聲與場圃字不同場音長从古陽字

奕

夷益切說文大也从大亦聲與弈字異弈音同說文圍碁也下从升音拱

辟

必益切說文作𠄎法也从辛从卩音節从口凡譬避壁僻之類从一俗作辟或从尸皆誤

隙

乞逆切說文壁際空也从阜从窠窠音同中从黑白之白俗作隙干祿字書云作隙非

郤

乞逆切說文晉大夫叔虎邑也从邑谷聲谷音噤非山谷字與郤字不同郤乞納切从節

給

乞逆切說文粗葛也从糸谷聲谷音噤俗从山谷字作給誤

戟

訖逆切說文作戟有枝兵也从戈从軼隸作一俗从卓作戟誤

丸

訖逆切說文作𠄎持也象手有所一據也今作  
一與丸字不同丸音桓从點居中凡執執孰等  
字从一偏旁或省作𠄎若羸羸羸羸恐鞏是𠄎  
筑築等字从孔俗从點於右作丸誤

𠄎

魚戟切說文作𠄎不順也从干下口一之也  
口犯切隸作一凡逆厥之類从一俗作𠄎𠄎非

二十三錫

皙

先的切說文人色白也从黑白之白析聲析見  
下與皙字異皙旨熱切明也从日从折俗作皙

析

先的切說文破木也从木从斤五經文字云作  
析譌

覓

莫狄切求也从爪从見俗作覓

一

莫狄切說文覆也从一下垂凡冠託冥冤罕  
等从一如軍冢曹夢等字从包省俗混从一誤



鼎 莫狄切禮記疏布一說文从鼎一聲一音同與青韻鼎字異鼎音坳

糸 莫狄切說文作糸細絲也象形隸作一 下與小大字同體凡微繭葬類之類从一偏旁俗作糸

汨 莫狄切一羅屈原所沈之水从日月之日又古忽切與質韻汨字不同汨越筆切从子曰之日

商 下歷切廣韻本也木根果蒂獸蹠皆曰一與宮商字不同凡適滴摘之類諧聲者从一

歷 即狄切說文過也从止厯聲厯音同中从二禾曆字與此同俗从林木字作歷曆誤

鬲 即狄切說文作鬲鼎屬象腹交文三足凡獻獸之類从一俗作鬲

闕 苦具切說文靜也易窺其戶一其無人从門見聲俗下从具作闕誤

惕 他歷切說文敬也从心易聲與惕字不同惕徒朗切放也从古陽字

戚 倉歷切說文戍也又親也憂也从戍未聲戍音越俗从戊已字作戚誤

二十四職

飾 設職切說文馭也从巾从人食聲俗作飾

色 所力切說文顏氣也从側人从已音節俗作色

嗇 所力切說文作嗇從來从盲音廩隸作一凡牆穡之類从一俗作嗇

食 實職切說文作食一未也从自人聲隸作一偏旁作食凡飲飯之類从一俗作食誤

卽 節力切說文就也从自从卩音節自皮及切凡節卽啣擲之類从一俗作卽

直 除力切說文正見也从乚从十从目乚音隱俗作直

盡

許極切說文傷痛也引周書民罔不傷心从血从聿聿聲聿以律切俗从聿从皿作盡誤

棘

訖力切說文小棗叢生者从並束七賜切俗从約束字作棘誤

苟

訖力切說文自急救也上从竹音寡敬字从此與苟且字不同苟上从艸

昊

阻力切說文日在西方時側也从日仄聲仄音同从人在厂下俗作昊

### 二十五德

北

必勒切朔方說文乖也从二人相背凡燕冀乖背彘之類从丨俗从地土字作北誤

賊

疾則切說文敗也从戈則聲集韻作賊俗从戎誤

黑

呼得切說文作𦘒从炎上出四隸作丨凡墨熏黨點默黔之類从丨四古窻字俗作黑

棘 蒲墨切說文捷為蠻夷从人棘聲棘音殛俗作  
𦵑 𦵑

剋 苦得切殺也損削也又一期約定期日也从刀  
从克俗作尅非

二十六緝

執 質入切持也凡執執執執執執執執執執執執  
者从一若熱勢等字从執者詳見祭韻執字下

熱 質入切說文怖也从心執聲與祭韻熱字不同  
熱音勢

溼 失入切說文幽一也从水一所以覆也覆而有  
土故一也濕省聲與濕字不同濕託合切水名

出平原高唐从水从濕徐錯曰今人不知有此  
一字以濕為幽一非是

廿 日執切說文二十并也今直為二十字凡董謹  
漢革黃席庶度滿滿燕世帶之類从一

澀 色入切說文作澀不滑也从四止二正二倒俗  
上从二刃誤

邑 一入切說文國也从口从巴音節偏旁於右作  
卩如郎郡鄰郵之類从一左乃自字偏旁陸陵  
等字所从又與卩字異卩音節若卩即等字从  
之俗以郎郡等从節誤

涪 乞及切羹汁又大羹也从肉从泣與涪字不同  
舊註幽溼誤

涪 乞及切說文幽溼也从水音聲五經文字云經  
典多以此一 字為大羹涪字誤

及 其立切說文建也从又从人隸作一 俗作及

人 秦入切說文象三合之形上非从入凡俞舍余  
今陰禽念金食倉僉合命命會會之類从一

### 二十七合

市 作荅切說文周也从倒止止古之字俗作匝通

沓 達合切說文語多一也从水从子日之曰踏字从此俗作沓沓

荅 得合切報也亦作荅說文小木也从艸合聲凡塔搭劄之類从一俗作荅

二十八盍

冑 土盍切說文飛盛貌从羽从曰曰音冒內从二凡塌榻絹之類从一俗上从日誤

二十九葉

鼠 良涉切說文毛一也象形中从臼音信凡臘獵鼠蠟蠟蠟蠟之類从一俗作鼠鼠

輒 陟葉切專也說文从車取聲取音同从耳下垂非捕取字凡距鉏捫諧聲者从此俗作輒誤

幸

尼輒切說文作幸所以驚人也从大从羊羊音既後漢石經作一俗以為傲忝字非忝胡耿切詳見耿韻凡執螫報罽圍盤籟之類从一與達旁幸字不同幸音撻下从羊

品

尼輒切說文多言也从品相連左傳次於一北與山品字不同品音巖从山从品

三十帖

疊

徒協切重也本作疊說文从晶从宜新室以為一从三日太盛改為三田俗作序

協

胡頰切說文衆之和同也从劦从十劦音一與協字音同義異協同心之和俗从劦非劦音黎

燮

悉協切說文和也从又从言从炎俗下从火作燮誤

蜨

徒協切說文蛺蝶一也从虫走聲走音涉徐鉉曰今俗作蝶非是

三十一業

劫

說業切說文人欲去以力脅止曰一从力从去俗作劫劫

三十二洽

陝

胡夾切說文隘也从阜从夾輔之夾夾从二人俗以為關陝字非陝音閃从二入

雷

測洽切春也从柝曰之曰千犯之千凡插欵鋪之類从一俗从千百字作雷雷皆誤

三十三狎

三十四乏

字鑑卷之五終



朱後序

元至治間長洲李世英伯英受其父梅軒處士  
之旨以六書惟假借難明於是就典籍中字同  
音異者正其字畫輯類韻一書凡三十卷其從  
子文仲復輯字鑑五卷仍依韻編之予抄自古  
林曹氏嗟夫字學之不講久矣舉凡說文玉篇  
佩觿類篇諸書俱束諸高閣習舉子業者專以  
梅氏之字彙張氏之正字通奉爲兔園冊飲流

而忘其源齊其末而不揣夫本爽謬有難悉數  
也已李氏之學遠引說文而證以諸家之說所  
謂元元本本者歟遼金元文字雜以國書字體  
轉益茫昧其詩詞落韻有出于二百六部之外  
者茲編所道者古洵可傳也康熙己丑三月小  
長蘆朱彝尊識

張跋

字鑑一書撰自吳門李氏康熙戊子夏五月秀

水朱先生過余師子林酒後出是書云此子郡人之書而予鈔得之古林曹氏者前荔軒曹公屬購字學書故攜之以來不識更有善本否俊對曰無願先生畱以授俊何如先生笑曰予不過欲古書之傳耳子與荔軒何異子有志予當成之俊唯唯敬受教并請序以傳不朽先生時年八十一

字  
鑑  
跋

吳門徐元圃刻



王震五主編

叢書集成初編

字 鑑

中華民國二十五年六月初版

編者 李文仲

發行人 王雲五  
上海河南路

印刷所 商務印書館  
上海河南路

發行所 商務印書館  
上海及各埠

●D一〇九



|     |
|-----|
|     |
| 072 |